

ÁRRABAJÁSGEASSINPLÁNA VUOÐUŠTUSAT 2016



OPETUSHALLITUS
UTBILDNINGSSTYRELSEN

Määräykset ja ohjeet 2017:13a

© Oahpahusráđđehus (Opetushallitus)

Määräykset ja ohjeet 2017:13a

ISBN 978-952-13-6439-6 (pdf)

ISSN-L 1798-887X

ISSN 1798-8888

Sámegillii jorgalan Mari Guttorm
Pohjoissaamenkielinen käänös: Mari Guttorm

Taitto: Grano Oy

www.oph.fi

MEARRÁDUS

18.10.2016	39/011/2016
Árrabajásgeassima lágideaddjít	Fámu sorrunáigi
	18.10.2016 rájes doaisttážii

Njuolggadusat, maidda doaibmaváldi
mearrádusa addimis vuodđuduvvá
Árrabajásgeassinlháka (36/1973) 9 §
(rievdaduvvon L 580/2015)

ÁRRABAJÁSGEASSINPLÁNA VUODUSTUSAT 2016

Oahpahusráđđehus lea odne mearridan Árrabajásgeassinplána vuodustusain 2016 mildosa mielde.

Mearrádus eaktuda gielddas, gieldaovttastumis dahje eará bálvalusa buvttadeaddjis báikkálaš árrabajásgeassinplána ráhkadeami. Gielda, gieldaovttastupmi dahje eará bálvalusa buvttadeaddji galgá ráhkadit árrabajásgeassinplána nu ahte čuvvojuvvo, mii dáid vuodustusain lea mearriduvvon..

Árrabajásgeassinplána galgá váldit geavahussii 1.8.2017 rájes.

Gielda, gieldaovttastupmi dahje eará bálvalusa buvttadeaddji ii sáhte guođđit čuovokeahttá dán mearrádusa dahje spiehkkasit das.

Bajimuš hoavda

Aulis Pitkälä

Hoavda

Jorma Kauppinen

MIELDDUS

Árrabajásgeassinplána vuodustusat 2016

Opetushallitus

Hakaniemenranta 6, PL 380, 00531 Helsinki, puhelin 029 533 1000, faksi 029 533 1035, etunimi.sukunimi@oph.fi, www.oph.fi

Utbildningsstyrelsen

Hagnäskajen 6, PB 380, 00531 Helsingfors, telefon 029 533 1000, fax 029 533 1035, fornamn.efternamn@oph.fi, www.oph.fi

SISDOALLU

1. ÁRRABAJÁSGEASSINPLÁNA VUOÐUŠTUSAT JA BÁIKKÁLAŠ ÁRRABAJÁSGEASSINPLÁNAT	7
1.1 Árrabajásgeassinplána vuodoštusat ja daid geatnegahtivuhta	7
1.2 Báikkálaš árrabajásgeassinplána	8
1.3 Máná árrabajásgeassinplána	9
1.4 Báikkálaččat mearridanvuloš áššit	10
2. ÁRRABAJÁSGEASSIMA BARGU JA DÁBÁLAŠ MIHTTOMEARIT	11
2.1 Árrabajásgeassima lágideami stivrejeaddji geatnegasvuodat	11
2.2 Árrabajásgeassima doaibmanvuogit	13
2.3 Árrabajásgeassin oassin máná bajásšaddama ja oahppanbálgá	14
2.4 Árvovuođdu	15
2.5 Oahpanaddejupmi	16
2.6 Pedagogalaččat deattuhuvvon bajásgeassima, oahpahusa ja divšsu ollisvuhta .	17
2.7 Viiddes máhttin	18
Jurddašeapmi ja oahppan	18
Kultuvrralaš máhttu, vuorrováikkahuus ja ovdanbuktin	19
Alldis fuolaheapmi ja árgadáiddut	19
Máŋggalohkandáidu ja diehto- ja gulahallanteknologalaš máhttu .	20
Oassálastin ja váikkuheapmi	20
2.8 Báikkálaččat mearridanvuloš áššit	21
3. ÁRRABAJÁSGEASSIMA DOAIBMANKULTUVRA	22
3.1 Doaibmankultuvrra ovddideapmi ja dan stivrejeaddji prinsihpat	22
Oahppi searvvuš doaibmankultuvrra guovddážis	23
Stoahkamii ja vuorrováikkuheapmái movttiidahtti searvvuš	23
Oasálašvuhta, ovttaveardásášvuhta ja dásseárvu	23
Kultuvraaid máŋggahámatvuhta ja gielladiđolašvuhta	24
Buresbirgejupmi, dorvvolašvuhta ja bistevaš eallinvuohki	24
3.2 Árrabajásgeassima oahpanbirrasat	25
3.3 Ovttasbargu árrabajásgeassimis	26
Ovttasbargu fuolaheaddjiiguiin	26
Máŋggasuorggat ovttasbargu	27
3.4 Báikkálaččat mearridanvuloš áššit	27
4. ÁRRABAJÁSGEASSIMA PEDAGOGALAŠ DOAIMMA PLÁNEN JA OLLAŠUHTTIN	29
4.1 Pedagogalaš doaimma refereansarápma	29
4.2 Pedagogalaš dokumenteren	30
4.3 Máŋgabéalat bargovuogit	30
4.4 Stoahkan ovdáneami, oahppama ja buresbirgejumi gáldun	31

4.5	Oahppama viidodagat	32
	Gielaid rikkis málbmi.	33
	Ovdanbuktimá mánga iešguđet hámí	34
	Mun ja min searvvuš	36
	Dutkkan ja doaimman iežan birrasis	37
	Bajásšattan, lihkadan ja ovdánan	38
4.6	Gillii ja kultuvrii gullevaš dárkilut aspeavttat	39
	Guovttagielat árrabajásgeassín	41
4.7	Báikkálaččat mearridanvuloš áššit	42
5.	MÁNÁ OVDÁNEAMI JA OAHPPAMA DOARJJA.	43
5.1	Doarjaga lágideami guovddáš prinsihpat	43
5.2	Ovttasbargu mánáin, fuolaheaddjiin ja eará áššedovdiiguiin doarjaga áigge	44
5.3	Doarjaga ollašuhttin árrabajásgeassimis.	44
5.4	Máná árrabajásgeassimplána doarjaga áigge	45
5.5	Báikkálaččat mearridanvuloš áššit	46
6.	MOLSSAEVTTOLAŠ PEDAGOGIHKII DAHJE ERENOMÁŠ EALLINOIDNUI VUOÐÐUDUVVI ÁRRABAJÁSGEASSIN	47
6.1	Báikkálaččat mearridanvuloš áššit	47
7.	DOAIMMA ÁRVVOŠTALLAN JA OVDDIDEAPMI ÁRRABAJÁSGEASSIMIS	48
7.1	Pedagogalaš doaimma árvvoštallan ja ovddideapmi	48
7.2	Báikkálaččat mearridanvuloš áššit	49

1. ÁRRABAJÁSGEASSINPLÁNA VUOÐUŠTUSAT JA BÁIKKÁLAŠ ÁRRABAJÁSGEASSINPLÁNAT

Árrabajásgeassinplána vuoðuštusaid lea addán Oahpahusráððehus árrabajásgeassinnlága¹ vuoðul. Báikkálaš ja mánáid árrabajásgeassinplánaid ráhkadir ja ollašuhitt dán riikkaviidosaš mearrádusa mielde. Árrabajásgeassinplána vuoðuštusaid ráhkadeami stivre erenomážit árrabajásgeassinnláhka, mii mearrida máná vuogatvuodas árrabajásgeassimii ja árrabajásgeassima mihtomeriin. Ovdaohpahus, man stivre vuoððooahpahuslákha², lea oassi árrabajásgeassima. Ovdaohpahusa stivre Oahpahusráððehusa mearrádus Ovdaohpahusa oahppaplána vuoðuštusain.

Árrabajásgeassin lea oassi suopmelaš skuvlenvuogádaga ja dehálaš muddu máná bajásšaddama ja oahppanbálgá alde. Fuolaheaddjiin lea stuorámus ovddasvástádus máná bajásgeassimis. Árrabajásgeassin doarju ja dievasmahttá ruovttuid bajásgeassinbarggu ja västida oasistis máná buresbirgejumis.

Árrabajásgeassima riikkaviidosaš bagadallama ulbmilin lea fállat ovttaveardásaš vejolašvuodaid árrabajásgeassimii oassálasti mánáid oppalaš bajásšaddamii, ovdáneapmái ja oahppamii.

Árrabajásgeassinplána vuoðuštusaid oðasmahttima vuolggasadjin leat nuppástusat mánáid šaddanbirrasis ja árrabajásgeassima doaibmanbirrasis. Vuoðuštusat leat gárvejuvvon čanusjoavkkuid ovttasbarggus ja proseassas leat adnojuvvon ávkin oððaseamos dutkan- ja ovddidanbarggu bohtosat.

Árrabajásgeassinplánaollisvuoha lea golmma dásis. Dat čohkiida riikkaviidosaš árrabajásgeassinplána vuoðuštusain, báikkálaš árrabajásgeassinplánain ja mánáid árrabajásgeassinplánain.

1.1 Árrabajásgeassinplána vuoðuštusat ja daid geatnegahtivuhta

Árrabajásgeassinplána vuoðuštusaid bargun lea doarjut ja bagadallat árrabajásgeassima lágideami, ollašuhittima ja ovddideami ja ovddidit alladását ja ovttaveardásaš árrabajásgeassima ollašuvvama oba riikkas. Árrabajásgeassimiin oaivvildit pedagogalaččat deattuhuvvon ollisvuoda, mii čohkiida plánejuvvon ja mihtomearalaš bajásgeassimis, oahpahusas ja divšsus³.

Árrabajásgeassinplána vuoðuštusat mearrida árrabajásgeassima ollašuhittima guovddáš mihtomeriin ja sisdoaluin, árrabajásgeassima lágideaddji ja mánáid fuolaheaddjiid gaskasaš ovttasbarggus, máŋggsuorggat ovttasbarggus ja máná árrabajásgeassinplána sisdoalus⁴.

Árrabajásgeassinplána vuoðuštusat leat árrabajásgeassima lágideaddjiid vuogatvuodalaččat geatnegahti mearrádus. Vuoðuštusášsegirji sistisdoallá mearrádusaaid lassin teavstta, mii veahkeha áddet árrabajásgeassima ollisvuoda. Juohke logu lohppii leat čohkkeljuvvon báikkálaččat mearridanvuloš áššit, mat stivrejít báikkálaš árrabajásgeassinplána ráhkadeami ja árrabajásgeassima

1 Árrabajásgeassinnláhka (36/1973)

2 Vuoððooahpahuslákha (628/1998) 26 a § (1040/2014)

3 Árrabajásgeassinnláhka 1 § (580/2015)

4 Árrabajásgeassinnláhka 9 § (580/2015)

ollašuhtima. Árrabajásgeassinplánas leat čujuheamit maiddái lähkaásaheapmái. Čujuhemiid ulbmilin lea čielggasmahttit vuoduštusteavstta oktavuođa lähkaásaheapmái.

Dán vuoduštusášsegirjjis árrabajásgeassima lágideaddjiin oaivvildit gieldda, gielddaidovttastumi dahje eará bálvalusa lágideaddji (almmolaš dahje priváhta)⁵. Fuolaheaddji-doaba geavahuvvo, go oaivvildit máná vánhemä dahje eará fuolaheaddji.

1.2 Báikkálaš árrabajásgeassinplána

Árrabajásgeassima lágideaddjít galget ráhkadir báikkálaš árrabajásgeassinplánaid riikkaviidosaš vuoduštusaid vuodul. Árrabajásgeassinplána gárvengeatnegasvuhta guoská maiddái eará árrabajásgeassima, man gielda lea skáhpon ja mánáid priváhta beaiveruoktodoaimma dahje bearábeaivedivšu, man gielda gohcá⁶. Báikkálaš árrabajásgeassinplánat geatnegahttet ja gáibidit árvvoštallama ja ovddideami. Árrabajásgeassima lágideaddji sáhtta ráhkadir buot doaibmanvugiide (beaiveruoktu, beaivediksu ja eará árrabajásgeassin) oktasaš dahje guđege doaibmanvuohkái sierra árrabajásgeassinplána. Lágideaddji sáhtta soahpat lágideaddjirájiid rasttildeaddji ovttasbarggus árrabajásgeassinplána ráhkadettiin, árvvoštaladettiin ja ovddidettiin.

Árrabajásgeassinplána ráhkaduvvo nu ahte dat meroštallá, stivre ja doarju árrabajásgeassima lágideami báikkálačcat. Plána ráhkadettiin galgá váldit vuhtii báikkálaš erenomášvuodaid, vejolaš pedagogalaš deattuhemiid, mánáid dárbbuid ja árrabajásgeassima guoski árvvoštallandieđu ja ovddidanbarggu bohtosiid. Báikkálaš plánat sáhttet dievasmahttit riikkaviidosaš vuoduštusaid. Dát eai goittotge sáhte guođdit olggobeallái maidige lágas, ásahusas dahje árrabajásgeassinplána vuoduštusain gáibiduvvon mihtomeriid dahje sisdoaluid.

Árrabajásgeassinplána gárvenmis válđojuvvojit vuhtii eará báikkálaš dási plánat, dego

- árrabajásgeassima, mánáid ja bearrašiid guoski plánat ja mearrádusat
- ovdaohpahusa oahppaplána
- vuodđooahpahusa oahppaplána
- vejolaš vuodđooahpahussii gárvvisteaddji oahpahusa oahppaplána
- mánáidsuodjalanlága vuodul ráhkaduvvon mánáid ja nuoraid buresbirgejupmeplána⁷
- ásaiduvvanplána⁸.

Árrabajásgeassima lágideaddji fuolaha das, ahte árrabajásgeassinbargiin, fuolaheaddjiin ja mánáin lea vejolašvuhta oassálastit báikkálaš árrabajásgeassinplána ráhkadeapmái ja ovddideapmái⁹.

Báikkálaš árrabajásgeassinplána gárvejuvvo ovttas báikkálaš virgeoapmahaččaiguin, geat ollašuhttet sosiála- ja dearvvašvuodabálvalusaide gullevaš doaimmaid. Ovda- ja vuodđooahpahusa ovddasteaddjít oassálastet árrabajásgeassinplána gárvenmii ja ovddideapmái. Sin bargun lea dorvvastit mánáid bajásšaddama ja oahppanbálgá joatkašuvvama ja čavddisvuoda.

Árrabajásgeassima lágideaddji dohkkeha árrabajásgeassinplána sierra suomagielat, ruotagielat, sámegielat ja dárbbu mielde eará gillii addojuvvon árrabajásgeassima várás.¹⁰

5 Árrabajásgeassinlákka 1 §

6 Árrabajásgeassinlákka 15-26 § (909/2012)

7 Mánáidsuodjalanláka (417/2007) 12 § (1292/2013)

8 Láhka ásaiduvvama ovddideamis (1386/2010) 15 §

9 Árrabajásgeassinlákka 7 b § (580/2015)

10 Árrabajásgeassinlákka 11 § 2 mom. (875/1981)

Árrabajásgeassima lágideaddji bargun lea árvvoštallat iežat árrabajásgeassinbarggu ja oassálastit doaimma olggobeale árvvoštallamii¹¹. Árvvoštallan giedahallo dárkileappot logus 7.

1.3 Máná árrabajásgeassinplána

Árrabajásgeassimii oassálasti mánás lea árrabajásgeassinlágas dorvvastuvvon vuogatvuhta plánejuvvon ja vuogálaš bajásgeassimii, oahpahussii ja dikšui. Vai dát ollašuvvet, beaiveruovttu ja bearášbeaivedivšsu mánáide ráhkaduvvo árrabajásgeassinplána¹². Máná árrabajásgeassinplána vuolggasadjin galget leat máná ovdu ja dárbbut. Pedagogalaš doibmii ásahuvvvon mihttomearit čálihuvvojít plánii. Máná árrabajásgeassinplána ráhkaduvvo go mánna álggha beaiveruovttus dahje bearášbeaivedivšsus. Bargit ráhkadit plána ovttas fuolaheaddjiiguin. Máná oaivilat ja doavagat galget vuhttot plánas. Bargiid ovddasvástadussan lea ohcat heivvoláš vugiid čielggadit máná oaiviliid. Mánnájoavkku doaimma plánemis ja oahppanbirrasiid ovddideamis vuhttojít mánáid árrabajásgeassinplánaid mihttomearit.

Máná árrabajásgeassinplána gár vemis ja ollašuvvama árvvoštallamis beaiveruovttuin vástida olmmoš, geas lea mánáidgárdeoahpaheaddji dohkálašvuohta¹³. Bearášbeaivedikšui oassálasti máná árrabajásgeassinplána gár vemis adnojuvvo ávkin mánáidgárdeoahpaheaddji ášsedovdamu¹⁴. Máná árrabajásgeassinplána gár vemii oassálastet dárbbu mielde ášsedovdit ja eará dárbašlaš doaibmit, mat dorjot máná ovdáneami ja oahppama.

Máná árrabajásgeassinplána lea dokumeanta, masa čállojít mihttomearit ja doaimmat, mat dorjot máná ovdáneami, oahppama ja buresbirgejumi. Máná árrabajásgeassinplána govvida máná máhittima, gievruvoðaid, beroštumiid ja individuála dárbbuid. Lea dehálaš, ahte máná árrabajásgeassinplánas ovttastuvvet máná fuolaheaddji ja bargiid fuomášumit ja oainnut máná ovdáneamis, oahppamis ja joavkkus doaibmamis. Pedagogalaš dokumenteren (lohku 4.2) adnojuvvo ávkin plána ráhkadeamis. Plána ráhkadeamis váldoiit vuhtii sihke máná gielalaš ja kultuvrralaš duogáš ja eallinoaidnu.

Máná árrabajásgeassinplánii čállo vejolaš ovdáneami ja oahppama doarjja ja dan ollašuhitin¹⁵ (lohku 5.4). Juos mánás lea muhtin guhkesággebuohcuvuohta, mii góibida dálkkasdivšsu beaiveruovttu dahje bearášbeaivedivšsu áigge, ráhkaduvvo mánnái dálkkasdikšunplána oassin máná árrabajásgeassinplána¹⁶.

Máná árrabajásgeassinplána ollašuvvama galgá árvvoštallat, ja plána dárkkistit unnimustá okti jagis. Plána galgá goittotge dárkkistuvvot álo, go sivvan leat máná dárbbut. ¹⁷ Álgaga plána dárkkisteamis sáhttá dahkat máná áššiiguin bargan bargi, eará virgeoapmahaš dahje máná fuolaheaddji¹⁸. Máná árrabajásgeassinplána árvvoštallamis doaimma lágideapmái ja pedagogihka ollašuvvamii giddejuvvo erenoamáš fuomášupmi.

11 Árrabajásgeassinlákha 9 b § (580/2015)

12 Árrabajásgeassinlákha 7 a § (580/2015)

13 Árrabajásgeassinlákha 7 a § ja Ráddheusa evttohus riikkabeivviide láhkan máná beaivedikšumis addojuvven lága rievdaamis ja sierranas dasa gullevaš láhkan (341/2014) 7 a §, vuoduštusat s. 18

14 Árrabajásgeassinlákha 7 a § ja Ráddheusa evttohus riikkabeivviide láhkan máná beaivedikšumis addojuvven lága rievdaamis ja sierranas dasa gullevaš láhkan (341/2014) 7 a §, vuoduštusat s. 18

15 Árrabajásgeassinlákha 7 a §

16 Ráddheusa evttohus riikkabeivviide láhkan máná beaivedikšumis addojuvven lága rievdaamis ja sierranas dasa gullevaš láhkan (341/2014) 7 a §, vuoduštusat s. 18

17 Árrabajásgeassinlákha 7 a §

18 Ráddheusa evttohus riikkabeivviide láhkan máná beaivedikšumis addojuvven lága rievdaamis ja sierranas dasa gullevaš láhkan (341/2014) 7 a §, vuoduštusat s. 19

Máná árrabajásgeassinplána galgá sisttisdoallat čuovvovaš áššiid:

- máná ovdáneapmái ja oahppamii laktáseaddji gievrvuođaid ja máná beroštumiid
- mihtomeriid, mat dorjot máná ovdáneami, oahppama ja buresbirgejumi, mihtomeriid ollašuhtindoaimmaid ja ollašuvvama árvvoštallama
- doarjaga, man mánná vejolaččat dárbbaša (lohku 5)
- vejolaš dálkkasdikšunplána
- áššiid, maid mánát, bargit ja fuolaheaddjit leat ovttas soahpan
- earáid plána gárvejumii oassálastán eará vejolaš áššedoviid
- dieđu das, goas plána lea ráhkaduvvon ja dárkkistuvvon ja goas plána dárkkistuvvo čuovvovaš háve.

1.4 Báikkálaččat mearridanvuloš áššit

Báikkálaš árrabajásgeassinplána ja máná árrabajásgeassinplána gárvejuvvojít árrabajásgeassinlága ja árrabajásgeassima lágideaddji mearrásusaid mielde nu ahte plánat čuvvot dán logus ja dain vuoduštusain govviduvvon mihtomeriid ja prinsihpaid. Árrabajásgeassinplána vuoduštusaid guđege válđologu loahpas meroštallo, maid báikkálaš árrabajásgeassinplánas galgá dán logu mielde mearridit ja govvidit.

Báikkálaš árrabajásgeassinplána sáhttá dohkkehít juogo gieldda, ovttadaga, joavkku dahje dihto doaibmanvuogi dásis dahje nu ahte dat guoská oasi gielddas, ovttadagas, joavkkus dahje doaibmanvuogis. Eará bálvalusbuvttadeaddji doaimmas árrabajásgeassinplána sáhttá dohkkehít ovdalis namuhuvvon prinsihpaid mielde dahje nu ahte plána guoská bálvalusbuvttadeaddji olles doaimma.¹⁹

Báikkálaš plána gárvedettiin árrabajásgeassima lágideaddji mearrida ja govvida árrabajásgeassinplánas,

- man gillii árrabajásgeassinplána ráhkaduvvo ja dohkkehuvvo
- ráhkaduvvogo báikkálaš plána ollásit dahje oassái lágideaddji, ovttadaga, joavkku dahje doaibmanvuogi dásis dahje guovlluguovdasaš plánan
- guđelágan ráhkadus, áššiid giedahallanortnet ja almmustahtinvuohki árrabajásgeassinplánas lea
- mo árrabajásgeassinbargit, mánát ja fuolaheaddjit oassálastet árrabajásgeassinplána ráhkadeapmái, árvvoštallamii ja ovddideapmái²⁰
- mo ovttasbargu ovdaohpahusain, vuodđooahpahusain ja sosiála- ja dearvvašvuodadoaimma áššedovdiigui ja eará dárbbašlaš ovttasbargoguimmiigui ollašuhtto
- mo báikkálaš erenoamášvuođat, iešguđetlágán árrabajásgeassima lágidanvuogit, ovddideami mihttomearit ja eará mánáid guoski báikkálaš plánat plánat válđojit árrabajásgeassinplána ráhkadeamis vuhtii
- mo árrabajásgeassinplána ráhkaduvvo, mo dan ollašuvvan árvvoštallo ja mo dat ovddiduvvo
- máná árrabajásgeassinplána ráhkadusa ja dan ráhkadeapmái ja árvvoštallamii laktáseaddji vuogádagaid.

Báikkálaš árrabajásgeassinplánas sáhttá atnit ávkin árrabajásgeassinplána vuoduštusaid teavstta.

19 Ráđđehusa evttohus riikkabeivviide láhkan máná beaivedikšumis addojuvvon lága rievdaemis ja sierranas dasa gullevaš láhkan (341/2014) 9 a §, vuoduštusat s. 21

20 Árrabajásgeassinlákha 7 b §

2. ÁRRABAJÁSGEASSIMA BARGU JA DÁBÁLAŠ MIHTTOMEARIT

Árrabajásgeassin lea servodatlaš bálvalus, mas leat májggat mihttomearit. Árrabajásgeassima mihttomearrin lea ovddidit máná oppalaš bajásšaddama, ovdáneami ja oahppama ovttasbarggus fuolaheaddjiiguin. Árrabajásgeassin lea mánáid dásseárvvu ja ovttaveardásašvuoda ovddideaddji ja vealaheami eastadeaddji bálvalus. Árrabajásgeassimis skáhppojuvvon dieđut ja dáiddut nannejit máná oasálašvuoda ja aktiivvalaš doaibmama servodagas. Dan lassin árrabajásgeassin doarju fuolaheaddjiid bajásgeassimbarggu ja dahká vejolažjan sin oassálastima bargeallimii dahje studeremii.

2.1 Árrabajásgeassima lágideami stivrejeaddji geatnegasvuodat

Gielda lea geatnegahhton lágidit árrabajásgeassima gieldda dárbbuid mielede. Árrabajásgeassima sahtá árrabajásgeassinnága mielede ollašuhtit beaiveruovttus, bearábeaivedivšsus dahje eará árrabajásgeassinhámis.²¹ Lágas ásahuvvon máná vuogatvuhta árrabajásgeassimii guoská árrabajásgeassima, mii dáhpáhuvvá beaiveruovttus dahje bearábeaivedivšsus. Fuolaheaddji mearrida máná oassálastimis árrabajásgeassimii. Ovdaohpahussii oassálasti mánás galgá leat vejolašvuhta oassálastit árrabajásgeassimii nu mo láhka vuogadahttá²².

Gielda dahje gielddaidovttastupmi sahtá lágidit árrabajásgeassima ieš dahje skáhpot árrabajásgeassima almmolaš dahje priváhta bálvalusaid buvttadeaddjis. Dalle go árrabajásgeassinbálvalusat skáhppojuvvojtit eará bálvalusuvttadeaddjiin, gielda dahje gielddaidovttastupmi galgá leat sihkkar ahte bálvalusat leat gielddadoaimmas gáibiduvvon dásis. Árrabajásgeassima lágideaddji vástida das, ahte bálvalusat lágiduvvojtit árrabajásgeassima ásahusaid ja árrabajásgeassimplána vuoduštusaid mielede²³. Gieldda doaibmanorgána dahje dan mearridan virgedoalli, guovlluhálddahusdoaimmahat ja sosiála- ja dearvvašvuodasuorggi lohpe- ja gohcindoaimmahat stivrejtit, bagadallet ja gohcet priváhta bálvalusa lágideaddji²⁴.

Gielda galgá fuolahit das ahte dat bastá lágidit árrabajásgeassima máná eatnigillii, suoma-, ruota- dahje sámegillii²⁵. Seavagielat mánáide árrabajásgeassin lágiduvvo seavagillii²⁶. Sierramánáidgárdeoahpaheaddji bálvalusat gálget leat gieldda geavahusas árrabajásgeassima dárbbu mielede²⁷.

Árrabajásgeassima lágideami geatnegasvuodat vuodđuduuvvet Suoma vuodđoláhkii, árrabajásgeassinlhákii ja beaivedivšsus addojuvvon ásahussii²⁸ ja Árrabajásgeassimplána vuoduštusaide. Árrabajásgeassin heiveha mearrádusaid maiddái sosiálafuolahusas²⁹ ja hálldahuslágas³⁰ ja lága virgeoapmahaččaid doaimma almmolašvuodas³¹. Suoma vuodđolága

21 Árrabajásgeassinlháka 11 § 1. mom. (580/2015)

22 Árrabajásgeassinlháka 11 b § (1290/1999)

23 Árrabajásgeassinlháka 10 § (909/2012)

24 Láhka priváhta sosiálabálvalusain (922/2011) 3 § ja Árrabajásgeassinlháka 1 ja 10 §

25 Árrabajásgeassinlháka 11 § 2 mom.

26 Árrabajásgeassinlháka 2 a §:n (580/2015) 6. čuokkis

27 Árrabajásgeassinlháka 4 a § (909/2012) 2. mom.

28 Ásahus mánáid beaivedivšsus (239/1973)

29 Sosiálafuolahuslágas (1301/2014) ja Láhka sosiálafuolahusa áššeħasa sajádagas ja vuogatvuodain (812/2000)

30 Hálldahuslágas (434/2003)

31 Láhka virgeoapmahaččaid doaimma almmolašvuodas (621/1999)

mielde geange ii oaččo almmá dohkálaš vuodoštusa ásahit sierra sajádkii sohkabeali, agi, riegádanduogáža, giela, oskku, jáhku, oaivila, dearvvašvuodadili, lámisvuoda dahje olbmui gullevaš eará siva vuodul³². Árrabajásgeassima lágideamis galgá váldit vuhtii maiddái geatnegasvuodaid, mat bohtet eará lágkaasaheamis ja riikkaidgaskasaš soahpamušain, maidda Suopma lea čatnasan. Dákkárat leat ovdamearkka dihte ovttaveardásavuođaláhka³³, dásseárvoláhka³⁴, Eurohpá olmmošvuigatvuodaidsoahpamuš³⁵, ON:a máná vuogatvuodaid soahpamuš³⁶, ON:a oktasašsoahpamuš lámisolbmuid vuogatvuodain³⁷, ON:a julggaštus eamiálbmogiid vuogatvuodain³⁸ ja ON:a bisteavaš ovdáneami mihttomearit³⁹. Árrabajásgeassin ovddiduvvo inklusioprinsihpa mielde. Buot mánát sáhttet ovttas oassálastit árrabajásgeassimii ovdamearkka dihte doarjaga dárbbus, lámisvuodas dahje kultuvrralaš duogážis fuolatkeahttá.

Árrabajásgeassima riikkaviidosaš mihttomeriin mearriduvvo árrabajásgeassinlágas. Mihttomearit stivrejtit sihke vuodoštusaid ja báikkálaš ja máná árrabajásgeassimplána gárrema, ollašuhtima ja árvvoštallama.

Árrabajásgeassinlágá⁴⁰ mielde árrabajásgeassima mihttomearin lea

- 1) ovddidit buot mánáid oppalaš bajásšaddama, dearvvašvuoda ja buresbirgejumi sin agi ja ovdáneami mielde;
- 2) doarjut máná oahppanvejolašvuodaid ja ovddidit eallinagi guhkkosaš oahppama ja skuvlejumi dásseárvvu ollašuvvama;
- 3) ollašuhtit máná stoahkama, lihkadeami, dáidaga ja kulturárbbi mánggabéalat pedagogalaš doaimma, ja duddjot positiiva oahppanvásáhusaid
- 4) dorvvastit oahppama ovddideaddji, dearvvašlaš ja dorvvolaš árrabajásgeassinbirrasa
- 5) dorvvastit máná gudnejahti doaibmanvuogi ja nu bissovaš mánáid ja árrabajásgeassimbargiid gaskasaš vuorrováikkuhusgaskavuođa go vejolaš;
- 6) addit buot mánáide ovttaveardásavuođaid árrabajásgeassimii, ovddidit sohkabeliid dásseárvvu ja duddjot sidjiide áddejumi ja oktasaš kulturárbevieruid ja iešguđetlágán gielalaš, kultuvrralaš ja oskkáldas duogážiid ja eallinoainnuid gudnejahtima;
- 7) dovdát máná individuála doarjaga dárbbu ja lágidit vuogálaš doarjaga árrabajásgeassimis dárbbu mielde mánggasuorggat ovttasbarggus;
- 8) ovddidit máná ovttasbargan- ja vuorrováikkuhusdáidduid, ovddidit máná doaibmama veardásájoavkkus ja oahpistit ehtalaččat vásttolaš doaibmamii, eará olbmuid gudnejahtimii ja servodaga lahttuuhuhtii;
- 9) sihkarastit máná vejolašvuoda oassálastit ja váikkuhit iežas áššiide;
- 10) doaibmat ovttas mánain, máná vánhemiguin dahje eará fuolaheaddjiiguin máná dásseettolaš ovdáneami ja oppalaš buresbirgejumi buorrin ja doarjut máná vánhemä dahje eará fuolaheaddji bajásgeassimbarggus.

Árrabajásgeassima lágideaddjis lea geatnegasvuohta muitalit fuolaheaddjiide árrabajásgeassima mihttomeriin ja dan iešguđetlágán doaibmanvugiin. Fuolaheaddjái lágiduvvo vejolašvuohta oassálastit ja váikkuhit máná árrabajásgeassima plánemii, ollašuhtimii ja árvvoštallamii. Dan

32 Suoma vuodđoláhka (731/1999) 6 § 2 mom. ja 19 §

33 Ovttaveardásavuođaláhka (1325/2014)

34 Nissoniid ja dievdduid gaskasaš dásseárvvus addojuvvon láhka (609/1986) ja dan rievdadus (1329/2014)

35 Eurohpá olmmošvuigatvuodaid soahpamuš 1990

36 ON:a oktasašsoahpamuš máná vuogatvuodain 1989

37 ON:a oktasašsoahpamuš lámis olbmuid vuogatvuodain 2007

38 ON:a julggaštus eamiálbmogiid vuogatvuodain 2007

39 Bisteavaš ovdáneami mihttomearit – Agenda 2030. ON:a oktasaščoahkkin 2015

40 Árrabajásgeassinlákha 2 a §

lassin fuolaheaddjái lágiduvvo jeavddalaččat vejolašvuhta oassálastit báikkálaš ja individuála árrabajásgeassima plánemii ja árvvoštallamii.

Mánáid oassálastin árrabajásgeassimii molsašuddá bearrašiid válljejumi, máná lágas mearriduvvon vuogatvuoda ja árrabajásgeassima lágideaddji mearrádusa mielde. Dán galgá váldit vuhtii báikkálaš plánaid ráhkadeamis.⁴¹

Árrabajásgeassimis oahppanbiras galgá leat ovddideaddji, oahppama ovddideaddji, dearvvašlaš ja dorvvolaš máná agi ja ovdáneami dáfus. Doaibmansajit ja doaibmanbiergasat galget leat áššáigullevaččat, ja dain galgá vuhttot easttahisvuhta⁴². Beaiveruovttu dahje bearášbeaivedivšsu mánát galget oažut máŋggabealat borramuša. Boradeapmi galgá leat vuogálaččat lágiduvvon ja stivrejuvvon.⁴³ Árrabajásgeassin ii čana mánáid sin oskku, eallinoainnu dahje politikhalaš guottiheami mielde. Árrabajásgeassima ii oaččo geavahit gávppálaš váikkuheami gaskaoapmin.

Árrabajásgeassin čuovvu bargiid dohkálašvuodagáibádusaid guoski mearrádusaid⁴⁴. Dan lassin árrabajásgeassimis váldojuvvojit vuhtii mearrádusat, mat gusket bargo-suodjaleami, dorvvolašvuoda ja mánáiguin bargi olbmuid rihkusduogáža čielggadeami⁴⁵. Árrabajásgeassin eastada givssideami ja váldá dasa beali⁴⁶. Dorvvolašvuoda ovddideami galgá plánet ja árvvoštallat jeavddalaččat. Gielda galgá árrabajásgeassima lágidettiin ovttasbargat oahpahusas, lihkadeamis, kultuvrras, sosiálafuolahusas, mánnásuodjaleamis, mánnárávvehatdoaimmas ja eará dearvvašvuodadivšsus vástideaddji doaibmiiguin ja eará dárbbašlaš doaibmiiguin.⁴⁷ Árrabajásgeassimbargiid geatnegahittet maiddái mearrádusat, mat gusket sosiálafuolahusbálvalusaid jođiheami ja mánnásuodjalanalmmuhusa dakhama⁴⁸.

2.2 Árrabajásgeassima doaibmanvuogit

Árrabajásgeassin lágiduvvo beaiveruovttus, bearášbeaivedivšsus dahje eará árrabajásgeassinhámis, ovdamearkka dihte searve- dahje stoahkandoaibman⁴⁹. Árrabajásgeassinnlága ja árrabajásgeassimplána vuodošusaid mihttomearit stivrejtit buot árrabajásgeassima doaibmanvugiid. Árrabajásgeassima doaibmanvuogit leat iešguđetlágánat sihke oahppanbirrasa, resurssaid, bargiid skuvlejumi ja dohkálašvuodagáibádusaid, bargoveaga ráhkadusa, mánnájoavkkuid sturrodagaid ja mánáid ja bargiid gaskasaš gorrelogu dáfus. Lea dehálaš, ahte fuolaheaddjit ožžot doarvái dieđu buot doaibmanvugiid sisdoalus ja iešvuodain. Bargit ja fuolaheaddjit ságastallet das, guđelágan árrabajásgeassinvuohki ja viiodat vástida máná dárbbuid ja ovddu.⁵⁰ Árrabajásgeassima lágideaddji fállá rávvema ja bagadallama bálvalusaid álggus, muhto maiddái dalle, go mánná lea juo mielde árrabajásgeassimbálvalusain.⁵¹

41 Árrabajásgeassinnláhka (108/2016) 11, 11 a ja 11 b § ja Ráđđehusa evttohus riikkabeivviide láhkan sihke árrabajásgeassinnlága ja mánáid ruoktodikšuma ja priváhta divšu doarjagis addon lága rievda-deamis (80/2015) 11a ja 11 b §, vuodošusat s. 37-45

42 Árrabajásgeassinnláhka 6 § (580/2015)

43 Árrabajásgeassinnláhka 2 b § (580/2015)

44 Láhka sosiálafuolahusa ámmátláš bargiid dohkálašvuodagáibádusain (272/2005) 7-8, 10, 15-16 § ja Lahka sosiálafuolahusa ámmátbargiin (817/2015) 3 ja 8 §

45 Láhka mánáiguin doaibmi olbmuid rihkusduogáža čielggadeamis (504/2002)

46 Ráđđehusa evttohus riikkabeivviide láhkan máná beaivedikšumis addojuvvon lága rievda-deamis ja sierranas dasa gulleváš láhkan (341/2014) 6 §, vuodošusat s. 17

47 Árrabajásgeassinnláhka 11 e § (580/2015)

48 Sosiálafuolahusláhka 35 § ja Mánáidsuodjalanalhka 25 ja 25 a § (88/2010 ja 1302/2014)

49 Árrabajásgeassinnláhka 1 §

50 Árrabajásgeassinnláhka 11 a § (108/2016), 11 b § (1290/1999) ja 11 c § (909/2012), Láhka mánáid ruoktodikšuma ja priváhta dikšuma doarjagis (1128/1996) ja Ráđđehusa evttohus riikkabeivviide láhkan sihke árrabajásgeassinnlága ja mánáid ruoktodikšuma ja priváhta dikšuma doarjagis addojuvvon lága rievda-deamis (80/2015) 11 a §, vuodošusat s. 22, 37-45

51 Ráđđehusa evttohus riikkabeivviide láhkan árrabajásgeassinnlága ja mánáid ruoktodikšuma ja priváhta divšu doarjagis addon lága rievda-deamis (80/2015) 11 a §, vuodošusat s. 42

Árrabajásgeassima dábáleamos doaibmanvuohki lea árrabajásgeassin beaveruovttuin. Beaiveruovttuin doaibma ollašuhtto joavkku hámis. Mánát juhkkojit joavkkuide ovdamearkka dihte sin agi, bearägaskavuođaid dahje doarjaga dárbbu vuodul. Joavkkut galget leat pedagogalaččat vuogálaččat ja daid hábmémis galgá válđit vuhtii bargiid lohkui ja joavkkuid eanaš sturrodahkii laktáseaddji mearrádusaid⁵². Bargiin, geat barget beaveruovttuin dikšun- ja bajásgeassinbargguin, unnimustá goalmádasas galgá leat dohkálašvuhta mánáidgárdeoahpaheaddji bargui, earáin galgá leat sosiálafuolahusa ámmátlaš bargiid dohkálašvuodagáibádusain addojuvvon lága 8 §:s mearriduvvon ámmátlaš dohkálašvuhta⁵³. Beaiveruovttuid bargiid mánggasuorggatvuhta lea alladását árrabajásgeassima vuodđu dalle go buohkaid máhttua geavahuvvo, ja ovddasvástádusat, barggut ja ámmárollat ollašuvvet vuogálaččat. Árrabajásgeassinlhka deattuha pedagogihka mearkkashumi ja seammás mánáidgárdeoahpaheaddji pedagogalaš ovddasvástádusa⁵⁴. Oppalaš ovddasvástádus mánnažoavkku doaimma plánemis, dan mihttomeriid ollašuvvamis ja árvvoštallamis ja ovddideamis lea mánáidgárdeoahpaheaddjis. Mánáidgárdeoahpaheaddjit, mánnagehččit ja eará árrabajásgeassinbargit plánejit ja ollašuhttet doaimma ovttas.

Bearašbeaivedikšun lea árrabajásgeassin, mii ollašuhtto unna joavkkus. Dan sáhttá lágidit bearašbeaivedivšára dahje máná ruovttus dahje joavkobearašbeaivedikšun. Bearašbeaivedivšsus mánnažoavkkuid hábmémis galgá giddet fuomáshumi vuogálašvuhtii. Ruovttus bearašbeaivedivšárat vástidit iežaset joavkku doaimmas. Bearasbeaivedivššu jođiheapmi doarju bearašbeaivedivššáriid vuogálaš doaimma plánema ja ollašuhttima.

Eará árrabajásgeassima ollašuhttin ja deattuhusat molsašuddet lágideaddji mearrádusaid mielde. Eará árrabajásgeassima sáhttá lágidit ovdamearkka dihte duhkoraddanbáike- dahje searvedoabman. Doaibma lea bagadallon ja dat sistisdoallá iešguđetlágan mihttomeriid. Eará árrabajásgeassin sáhttá fállat ovdamearkka dihte olgolikhkadeami, iehčanas stoahkama, dáidda- dahje lihkadanbajásgeassima. Dan lassin árrabajásgeassin sáhttá fállat fuolaheaddjái bagadallon ovttastallama mánáiguin ja eará sosiála kontávttaid.

2.3 Árrabajásgeassin oassin máná bajásšaddama ja oahppanbálgá

Árrabajásgeassin lea dehálaš mánáid ja sin bearrašiid bálvalus, masa eatnašat mánáin oassálastet ovdal oahppogeatnegasvuoda. Mánát mielddisbuktet árrabajásgeassimii iežaset ovddit eallinvásáhusa, man guovddáš rollas leat fuolaheaddjiid ja mánáid gaskasaš vuorrováikkusu- ja gierisgaskavuođat. Bargiid bargun lea hukset luhtolaš gaskavuođa mánáiguin. Fuolaheaddjiid ja bargiid gaskasaš ovttasbargu buktá bissovašvuoda ja dorvvolašvuoda mánáid eallimii. Go máná fuolaheaddjit ja árrabajásgeassinbargit sohpet árrabajásgeassima mihttomeriin, lea dehálaš, ahte deaivvadeapmi lea rabas, gudnejahti ja ovttaveardásaš. Jeavddalaš ovttasbargu lea dehálaš, vai bearrašiid ja bargiid oktasaš bajásgeassinbarggu duddjo mánnaí vuogas ollisvuoda.

Pedagogalaš doaimma vuodđun lea áddejupmi mánávuoda mearkkashumis ja diehtu mánáid bajásšaddamis, ovdáneamis ja oahppamis. Seamma dehálaš lea dovdat buot mánáid ja válđit vuhtii sin individuála ovdáneami. Máná dovdan gáibida nu bissovaš mánáid ja bargiid gaskasaš vuorrováikkusu- gaskavuođaid go vejolaš⁵⁵.

52 Árrabajásgeassinlhka 5 § (108/2016) ja 5 a § (580/2015)

53 Ásahus mánáid beaivedivšsus 6 § (806/1992) 4 mom. (1282/2015)

54 Árrabajásgeassinlhka 1 ja 7 a §

55 Árrabajásgeassinlhka 2 a § 5. čuokkis

Árrabajásgeassin ja dasa gullevaš ovdaohpahus hukse vuodú eallinagi oahppamii ja ollisvuhtii, mii ovdána máná ovdáneami ja oahppama dáfus jearggalačat. Alladását ollisvuoda vuolggasadjin lea dat ahte sihke árrabajásgeassin ja ovda- ja vuodđooahpahusa bargit dovdet skuvlenvuogádaga ja dan iešguđet muttuid guovddáš mihtomeriid, iešvuodđaid ja vuogádagaid. Mánáid buresbirgejumi, ovdáneami ja oahppama njuovžilvuoda dihte maiddái sirdásanáigodagat plánejuvvojit ja árvvošallojuvvojit.

Árrabajásgeassima lágideaddji hukse ovttasbarggu ráhkadusaid ja dieđu sirdima vuogádagaid, maid bokte sirdáseamit ruovttus árrabajásgeassimii, árrabajásgeassima áigge ja árrabajásgeassimis ovdaohpahussii ja doppe vuodđooahpahussii leat nu njuovžilat go vejolaš. Sirdásanáigodagain fuolaheaddjít ja bargit barget ovttas máná ovddu buorrin. Dieđu sirdimis sáhttá atnit ávkin árrabajásgeassima áigge čohkkejuvvon dokumeanttaid, mat govvidit máná ovdáneami ja oahppama ja mánnái ráhkaduvvon árrabajásgeassinplána. Dieđu sirdin čuovvu gustodeaddji mearrádusaid.⁵⁶

2.4 Árvovuođđu

Árrabajásgeassinplána vuodúštusaid árvovuođu almmolaš prinsihppan lea, ahte máná ovdu lea ovdasajis, ahte mánás lea vuogatvuhta buresbirgejupmái, fuolaheapmái ja suodjaleapmái, ahte máná oaivil válđojuvvo vuhtii. Dasa lassin prinsihppan lea ovttaveardásaš ja dásseárvosaš meannudeami geatnegasvuhta ja máná vealahangielldu ON:a máná vuogatvuodđaid soahpamuša⁵⁷, árrabajásgeassinnlága⁵⁸ ja ON:a lámisolbmuid vuogatvuodđaid guoski oktasašsoahpamuša mielde⁵⁹.

MÁNNÁVUOĐA IEŠÁRVU

Árrabajásgeassima bargun lea suodjalit ja ovddidit máná vuogatvuoda buori ja dorvvolaš mánnávuhtii. Árrabajásgeassin vuodđuduvvá áddejupmái mánnávuđa iešárvvus. Buot mánát lea erenomážat ja divrasat juste dakkárin go sii leat. Juohkehačcas lea vuogatvuhta ovdanbuktit iežas oaiviliid sihke válđojuvvot vuhtii ja áddehallat dakkárin go son lea ja maid iežas servoša lahttun.

OLMMOŽIN BAJÁSŠADDAN

Árrabajásgeassin vuodđuduvvá eallima, bistevaš eallinvuogi ja olmmošvuogatvuodđaid gudnejahttimii ja olmmošárvvu loavkitmeahttunvuhtii. Árrabajásgeassin doarju máná bajásšaddama olmmošvuhtii, man vuodđun lea figgamuš duohtavuhtii, buorrevuhtii, čábbodahkii, vuoiggalašvuhtii ja ráffái. Árrabajásgeassin atná árvvus čuvgehusa mii boahtá ovdan vuogis jurddášit sihke iežas, earáid, birrasa ja dieđu birra ja maiddái vuogis ja hálus doaibmat riekta. Bargit arvvosmahttet mánáid doaibmat árvovuođu mielde ja ságastallat árvvuid ja nieguid birra. Árrabajásgeassimis givssideapmi, rasisma dahje veahkaváldi ii dohkkehuvvo mange hámis dahje geasge.

MÁNÁ VUOIGATVUOĐAT

Mánás lea vuogatvuhta ovdanbuktit iežas, iežas oaiviliid ja jurdagiid daiguin ovdanbuktinvugiigui mat sus leat. Buot mánain lea vuogatvuhta buori oahpahussii, fuolaheapmái ja arvvosmahtti

56 Láhka sosíálafulahusa áššehasa sajádagas ja vuogatvuodđain 16 ja 17 §

57 ON:a oktasašsoahpamuš máná vuogatvuodđain 1989

58 Árrabajásgeassinnláhka 2 a, 2 b, 7 a ja 7 b §

59 ON:a oktasašsoahpamuš lámisolbmuid vuogatvuodđain 2007

máhcahahkii. Mánás lea vuogatvuohta sihke stoahkat, oahppat stoahkama bokte ja illudit oahppamis ja maid hukset áddejumi iežas birra, iežas identitehtas ja máilmmissiežas čálganmuttus mielde. Mánás lea vuogatvuohta vásihit searvvušvuoda ja jovkui gullevašvuoda. Mánás lea vuogatvuohta oažut mánggabeadat dieđu, gieđahallat iežas dovdduid ja ruossalasvuoda ja iskkadit ja oahppat ođđa áššiid.⁶⁰

OVTTAVEARDÁSAŠVUOHTA, DÁSSEÁRVU JA MÁNGGAHÁMATVUOHTA

Árrabajásgeassin ovddida suopmelaš oktasašgotti demokráhtalaš árvvuid, dego ovttaveardásašvuoda, dásseárvu ja mánggahámatvuoda. Mánain galgá leat vejolašvuohta ovddidit dáidduideaset ja bargat válljejumiid ovdamearkka dihte sohkabealis, sohkaduogážis, kulturduogážis dahje eará olbmuide laktáseaddji sivain fuolatkeahttá. Bargit galget hukset mánggahámatvuoda gudnejahti atmosfeara. Árrabajásgeassin vuodđuduvvá mánggahámat suopmelaš kulturárbái ja hápmašuvvá ain mánáid, sin fuolaheaddjiid ja bargiid vuorrováikkuhusas.

BEARRAŠIID MÁNGGAHÁMATVUOHTA

Ámmátlaš, rabas ja gudnejahti meannudeapmi mánggahámat bearrašiid ja bearrašiid iešguđetlágán gielaid, kultuvrraid, eallinoainnuid, oskkuid, árbevieruid ja bajásgeassinoainnuid ektui hukse vuodu buori bajásgeassinovtasbargui⁶¹. Mánáid bearashaidentitehta ja bearashgaskavuođaid dorjot nu ahte buot mánát sahttet dovdat iežaset bearraša divrrasin.

DEARVVAŠLAŠ JA BISTEVAŠ EALLINVUOKKI

Árrabajásgeassima bargun lea ládet dearvvašvuoda ja buresbirgejumi ovddideaddji eallinvugiide. Mánáide fállat vejolašvuoda das ahte mánna lea aktiva doaibmi. Mánát leat riegádeami rájes sáhkkit ja háliidit oahppat ođđa áššiid, geardduhit ja jievžat. Oahppan lea oppalaš doaibma ja dat dáhpáhuvvá juohke sajis. Das ovttastuvvet dieđut, dáiddut, doaimmat, dovddut, áiccut, gorutlaš vásáhusat ja jurddašeapmi. Oahppan dáhpáhuvvá earret eará dalle, go mánna áiccada ja dárkkoda birrasa ja áddestallá earáid doaimmaid. Mánát ohppet maiddái go stohket, lihkadit, dutket, barget iešguđetlágán bargobihtáid, ovdanbuktet iežaset oaiviliid ja buđaldit dáidagiin.

2.5 Oahppanáddejupmi

Árrabajásgeassinplána vuodjušsusat vuodđuduvvet oahppanáddejupmái, man mielde mánát bajásšaddet, ovdánit ja ohppet vuorrováikkuhusas eará olbmuiguin ja lagasbirrasiiguiin. Oahppanáddejupmi vuodđuduvvá maiddái áddejupmái das ahte mánna lea aktiva doaibmi. Mánát leat riegádeami rájes sáhkkit ja háliidit oahppat ođđa áššiid, geardduhit ja jievžat. Oahppan lea oppalaš doaibma ja dat dáhpáhuvvá juohke sajis. Das ovttastuvvet dieđut, dáiddut, doaimmat, dovddut, áiccut, gorutlaš vásáhusat ja jurddašeapmi. Oahppan dáhpáhuvvá earret eará dalle, go mánna áiccada ja dárkkoda birrasa ja áddestallá earáid doaimmaid. Mánát ohppet maiddái go stohket, lihkadit, dutket, barget iešguđetlágán bargobihtáid, ovdanbuktet iežaset oaiviliid ja buđaldit dáidagiin.

Árrabajásgeassimis oahppama vuolggasadjin leat mánáid ovddit vásáhusat, sin beroštumit ja máhttin. Lea dehálaš, ahte ohppojuvvon áššiin lea oktavuohta mánáid ovdáneaddji

60 ON:a oktasašsoahpamuš máná vuogatvuodain 1989

61 Árrabajásgeassinlhákka 2 a § 6. čuokkis

válmmašvuodaide ja eará vásáhusmáilmái ja kulturduogážii. Mánát ohpet buoremusat dalle go vedjet bures ja dovdet dorvolašvuoda dovddu. Positiiva dovdovásáhusat ja vuorrováikkuhusgaskavuođat ovddidit oahppama. Veardášašoavku ja vásáhusat servošii gullevašvuodas leat máná oahppama ja oasálašvuoda dáfus guovddážis. Mánát galget oažžut iežaset oahppamii bargiid bagadallama ja doarjaga. Mánáid beroštahti, ulbmildiđolaš ja doarvái hástaleaddji doaibma movttiidahtta oahppat lasi. Buot mánát galget oažžut vásáhusaid lihkostuvvamis ja illudit iežaset doaimmas ja oahppanvugiin.

Stoahkan lea mearkkašahti oassi árrabajásgeassinahkáš mánáid oahppama. Dat motivere máná ja addá ilu. Seammás mánát ohpet mánggaid dáidduid ja dieđuid. Árrabajásgeassimis lea dehálaš áddet stoahkama iešárvvu mánnái ja dan pedagogalaš mearkkašumi máná oahppamii, oppalaš ovdáneapmái ja buresbirgejupmái.

2.6 Pedagogalaččat deattuhuvvon bajásgeassima, oahpahusa ja divšu ollisvuohta

Árrabajásgeassinplána vuodušusain pedagogihkka vuodđuduuvvá meroštallon árvovuđđui, áddejupmái mánás, mánnávuodas ja oahppamis. Pedagogihkain oaivvildit mánggadieđalaš, earenoamážit bajásgeassin- ja árrabajásgeassindieđalaš dihtui vuodđuduuvvi doaimma, mii lea ámmátlaččat jođihuvvon, ámmátolbmuid čađahan ja plánejuvvon, ja man ulbmilin lea ollašuhttit mánáid buresbirgejumi ja oahppama. Dat oidno árrabajásgeassima doaibmankultuvrras, oahppanbirrasis ja bajásgeassimis ja oahpahusa ja divšu ollisvuodas. Pedagogihka deattuheapmi árrabajásgeassima ollisvuodas gáibida pedagogalaš ášshedovdamuša⁶² ja dan, ahte bargit leat ovttá oaivilis das, mo mánáid oahppama ja buresbirgejumi sáhttá buoremusat ovddidit.

Árrabajásgeassin čađahuvvo bargiid, mánáid ja birrasa vuorrováikkuhusas, mas bajásgeassin, oahpahus ja dikšu hábmejit čavddis ollisvuoda. Dán golmma doahpaga sáhttá geahčadit sierra, muho praktihkas dat čatnasit oktii. Ná lea vejolaš lahkonit oppalažžat máná bajásšaddama, ovdáneami ja oahppama ovdáneami. Bajásgeassin, oahpahus ja dikšu deattuhuvvojtit iešguđet láhkái sierraahkáš mánáid doaimmas ja árrabajásgeassima iešguđet doaibmanvuogis.

Bajásgeassima bokte kultuvrralaš árvvut, dábit ja norpmat sirdašuvvet, hápmašuvvet ja ođasmuvvet. Bajásgeassima ulbmilin lea sirdit kulturárbbi, dehálažjan adnojuvvon árvvuid ja árbevieruid čuovvovaš sohkabulvii. Bajásgeassin oahpista mánáid hábmet iežaset oaiviiliid ja árvvoštallat kritihkalaččat dábalaš jurddašan- ja doaibmanvugiid ja doaibmat ehtalaččat bistevaččat. Bajásgeassima čuvgehusbargun lea diđolaččat stivret mánáid individuála identitehta hápmašuvvama nu ahte mánát ohpet fuomášit iežaset doaimma váikkuhusaid eará olbmuide ja birrasii. Mánáid ovdáneami doarjalit nu ahte sii ohpet doaibmat ja geavahit dáidduideaset maiddái earáid buorrin.

Oahpahusa vuolggasadjin lea árrabajásgeassinplána vuodušusain meroštallon oahppanáđdejupmi. Oahppama ulbmilin lea ovddidit mánáid oahppama ja veahkehit mánáid hábmet mearkkašumiid iežaset birra, eará olbmuin ja birastahti málezzis. Árrabajásgeassima ulbmilin lea movttiidahttit ja motiveret mánáid oahpahallat ođđa áššiid ja iskkadit iešguđetlágán oahppanvugiid. Oahpahus doarju ja atná ávkin mánáid lunddolaš sáhkkiivuođa. Oahpahus váldá vuhtii mánáid ovdáneaddji

⁶² Ráđđehusa evttohus riikkabeivviide láhkan máná beaivedikšumis addojuvvon lága rievdaamis ja sierranas dasa gullevaš láhkan (341/2014) 7 a §, vuodušusat s. 18

dáidduid, beroštumiid ja nana beliid ja sin individuála doarjaga dárbbuid. Dan lassin oahpahusa vuodđun leat oahppanbirrasii (lohu 3.2), viiddes máhttimii (lohu 2.7) ja pedagogalaš doaibmamii (lohu 4) ásahuvvon mihttomearit.

Dikšu dárkuha fysalaš vuodđodárbbuin fuolaheami ja emotionála berošteami. Ulbmilin lea, ahte mánná dovdá, ahte son lea árvvusadnon, áddejuvvon ja oktavuođas eará olbmuide. Buori divššu ja fuolahusa vuodđun lea guovttebealat ja gudnejahti vuorrováikkahuhusgaskavuohta ja lagasvuohat. Beaivválaš dáhpáhusat, dego boradeapmi, gárvodeapmi, nuoladeapmi, vuoinjasteapmi ja hygienas fuolaheapmi leat guovddáš oassi máná beaivvi. Árrabajásgeassima dikšundilálašvuodđat leat seamma áigge bajásgeassin- ja oahpahusdáhpáhusat, main mánát ohppet ovdamearkka dihte vuorrováikkahuhusdáidduid, alddis fuolaheami, áiggi hálldašeami ja buriid dábiid.

2.7 Viiddes máhttin

Árrabajásgeassin hukse vuodu máná viiddes máhttimii. Viiddes máhttin čohkiida dieđuid, dáidduid, árvvuid, jurddašanvugiid ja dáhtu ollisvuodđas. Máhttin dárkuha maiddái dieđuid ja dáidduid geavahannávcçaid ja maiddái doaibmama iešguđet dilálašvuoda mielde. Dasa, mo mánát geavahit iežaset dieđuid ja dáidduid, váikkuhit mánáid árvvut ja jurddašanvuogit ja dáhttu doaibmat. Viiddes máhttin dárbbabašuvvo go málbmi rievdá. Olmmožin bajásšaddan, studeren, bargan ja riikkavuložin doaibman dál ja boahttevuodđas gáibida dieheto- ja dáidosurggiid rasttildeaddji ja ovttasteaddji máhttimi. Viiddes máhttimi ovdáneapmi ovddida mánáid bajásšaddama indiviidan ja servoša lahttan. Máhttin ovdánišgoahktá árramánnávuoda rájes ja joatkašuvvá čađa eallima. Viiddes máhttimi ulbmilat joatkašuvvet árrabajásgeassinplána vuoduštusain ain ovda- ja vuodđooahpahusa oahppaplánaid vuoduštusaide. Viiddes máhttimi mihttomearit leat stivren dán ášsegirjji gárvema, ja daid galgá váldit vuhtii báikkálaš árrabajásgeassinplánain.

Alladását pedagogalaš doaibma nanne mánáid viiddes máhttimi. Viiddes máhttimi ovdáneapmái váikkuhit árrabajásgeassima doaibmanvuogit, iešguđetlágán oahppanbirrasiid geavaheapmi ja mánáid buresbirgejumi ja oahppama doarjun. Viiddes máhttimi mihttomearit váldojuvvojtit vuhti doaibmankultuvrra ja oahppanbirrasiid ovddideamis, mánáid bajásgeassimis, oahpahusas ja divšsus. Logus 4.5 govviduvvon oahppama viiodagaid ulbmilin lea ovddidit mánáid viiddes máhttimi.

Árrabajásgeassinplána vuoduštusat govvidit vihtta iešguđet viiddes máhttimi oasi, mat laktásit nuppit nuppiide:

- jurddašeapmi ja oahppan
- kultuvrralaš máhttin, vuorrováikkahuhus ja ovdanbuktin
- alddis fuolaheapmi ja árgadáiddut
- mánngalohkandáidu ja dieheto- ja gulahallanteknologalaš máhttin
- oassálastin ja váikkuheapmi.

Čuovvovažjan govviduvvo, maid viiddes máhttimi iešguđet oasit mearkkašit. Dan lassin meroštallo, mii bargguid árrabajásgeassima guđege oasis lea.

Jurddašeapmi ja oahppan

Jurddašeami ja oahppama dáiddut ovdánit vuorrováikkahuhusas eará olbmuiguin ja birrasiiguin. Dat hábmejit vuodu eará máhttimi ovdáneapmái ja eallinagi oahppamii. Dieđu skáhpon, lađastallan ja

oððja áššiid ráhkadeapmi eaktuda kreatiiva ja kritikhalaš jurddašeami, man vuodú árrabajásgeassin hukse. Árrabajásgeassima bargun lea doarjut mánáid jurddašan- ja oahppandáidduid.

Mánáid jurddašeapmi ja oahppan ovdánit mánggabealat ja mearkkašahti vásáhusaid bokte. Imaštallamii, fuomášeapmái ja oahppama illui galgá leat sadji. Stoagadettiin mánán lea vejolašvuhta geavahit iežaset miellagovahusa ja kreatiivavuođa, iskkadit ovttas iežaset ideaid ja dutkat málmmi. Mánát ožot doarjaga birrasa ja dan fenomenaid lađastallan-, namahan- ja govvidandáiddut ovddideamis iežaset agi ja čálganmuttu mielde. Bargit roahasmahttet mánáid jearrat ja bidjat áššiid gažaldatvuložin. Mánát illudit lihkostuvvamiin ja oahpahallet movttiidahttit earáid. Mánát ohpet maiddái sitkatvuoda ja gillilvuoda ja lassin hutkat čovdosiid iešguđetlágán dilálašvuodaide. Mánát ohpet stivret ja doalahit iežaset ácılvuoda. Beaivválaš, fysalaš aktiivvalašvuhta doarju mánáid jurddašeami ja oahppama. Doaimma pedagogalaš dokumenteren (lohku 4.2) ja oktasaš guorahallan veahkeha mánáid áiccadir iežaset oahppama ja dovdát iežaset gievrvuodaide. Dát nanne mánáid jáhku iežaset dáidduide.

Kultuvrralaš máhttu, vuorrováikkahuus ja ovdanbuktin

Mánát bajásšaddet málmmis, mas leat iešguđetlágán kultuvrrat, gielat ja eallinoainnut. Dát deattuha sosiála- ja vuorrováikkahuusdáidduid ja kultuvrralaš máhttima mearkkašumi. Máhettimii gullá dáidu guldalit, dovdat ja áddet iešguđetlágán oainnuid ja dáidu reflekeret iežas árvvuid ja oaiviliid. Vuorrováikkahuusdáidduin, návcain ovdanbuktit iežas ja áddet earáid lea stuorra mearkkašupmi identitehtii, doaibmamii ja buresbirgejupmái. Vuorrováikkhuheapmi olbmuiguin, geain lea earálágán kultur- ja eallinoaidnoduogáš, gáibida iežas ja earáid kultuvrra ja eallinoainnu áddema ja gudnejahttimi. Árrabajásgeassima bargun lea ovddidit mánáid kultuvrralaš máhttima ja sin vuorrováikkahuus- ja ovdanbuktindáidduid.

Árrabajásgeassin roahasmahttá mánáid oahpásmuvvat eará olbmuide, gielaise ja kultuvrraide. Bargit doibmet ovdagovvan mánáide iešguđetlágán kultuvrraid, gielaid ja eallinoainnuid positiva deaivvadeamis. Mánát ohpet ustitlašvuoda ja buriid dábiid. Ovttasbargui vuodđuduuvvi doaibma hukse vejolašvuodaide hárjehallat vuorrováikkahuus- ja ovdanbuktindáidduid iešguđetlágán dilálašvuodain ja iešguđetlágán olbmuiguin. Mánát ohpet bidjat iežaset nuppi sadjái, geahčcat áššiid eará geahččanguovlluin ja čoavdit ruossalas dilálašvuodaide konstruktiva vuogi mielde. Dát nanne mánáid sosiála dáidduid. Mánát ožot doarjaga kulturidentitehtaid huksemis. Árrabajásgeassimis skáhppojuvvon kulturárbái laktáseaddji vásáhusat, dieđut ja dáiddut nannejit máná návcacaid oahppat, geavahit ja rievdadit kultuvrra. Ovdamearkka dihte stohkosat, boradanbottut ja feasttat fállit dilálašvuodaide juohkit vásáhusaid iešguđetlágán árbevieruid ja vieruid birra. Árrabajásgeassin arvvosmahttá mánáid hukset positiiva gaskavuoda mánggahámat birrasii.

Alldis fuolaheapmi ja árgadáiddut

Alldis fuolaheapmái, dearvvašvuhtii ja dorvvolašvuhtii laktáseaddji dáiddut leat buohkaide dehálaččat. Árrabajásgeassima bargu lea nannet mánáid buresbirgejupmái ja dorvvolašvuhtii laktáseaddji dáidduid ja oahpistit sin dahkat válljejumiid bistevaš eallinvuogi mielde. Árrabajásgeassin doarju máná positiiva miellagova boahtteáiggis.

Mánáid iehčanasvuoda lassáneami dorjot cehkiid mielde. Bargit veahkehít mánáid ja arvvosmahttet sin jearrat veahki dárbbu mielde. Mánát hárjehallet iešguđetlágán dáidduid dego gárvodeami, boradeami ja personnalaš hygienas ja iežaset dávviriin fuolaheami. Mánát ohpet doaibmat vásstolaččat ja dorvvolaččat árrabajásgeassima oahppanbirrasiin, lagasluonddus ja johtolagas.

Mánát giedħahallet ovttas bargiġuin buresbirgejumi ovddideaddji áššiid dego vuoinjasteami, borramuša ja mielladearvvašvuōda mearkkašumi. Mánát oahpahallet iežaset dovdduid ovdanbuktim ja ieštivrejumi. Mánáid dovdodáiddut ovdánit, go sii oahpahallet fuomáshit, diđoštít ja namahit iežaset dovdduid. Mánát ohppet maiddái gudnejah tit ja suodjalit iežaset ja earáid goruda.

Májgalohkandáidu ja diehto- ja gulahallanteknologalaš máhttu

Májgalohkandáidu ja diehto- ja gulahallanteknologalaš dáidu dárbašuvvo mánáid ja bearrašiid árggas, olbmuid gaskasaš vuorrováikkuheamis ja servodatlaš oassálastimis. Májgalohkandáidu ja diehto- ja gulahallanteknologalaš máhttin ovddidit mánáid ovttaveardásaš bajásgeassima ja skuvlema. Árrabajásgeassima bargun lea doarjut dáid dáidduid ovdáneami.

Májgalohkandáidu lea guovdáš vuodđodáidu, mii váikkuha májgħahámat kultuvrralaš dieđuid áddemii ja vuorrováikkuheapmá. Májgalohkandáidu dárkuha návċcaid dulkot ja buvttadit iešguđetlágán dieđuid. Májgalohkandáiddu vuodđun lea viiddes teakstaáddejupmi, man mielde iešguđetlágán teavsttat sáhttet leat earret eará čállojuvvon, hállojuvvon, audiovisuála dahje digitála hámis. Dat sistisdoallá iešguđetlágán lohkandáidduid dego govaid lohkandáiddu, numerála lohkandáiddu, media lohkandáiddu ja vuodđolohkandáiddu. Májgalohkandáidu laktasa lávga jurddašan- ja oahppandáidduide. Mánát namahit áššiid ja dinggaid ja oahpahallet iešguđetlágán doahpagi id ovttas bargiġuin. Bargit movttiidaħtet mánáid dutkat, geavahit ja buvttadit dieđuid iešguđetlágán, maiddái digitála, birrasin. Májgalohkandáiddu skáhpon gáibida rávesolbmuid málle, rikkes teakstabirrasa, mánáide heivvolā kulturbálvalusaid ja kultuvrra, man mánát ieža leat buvttadan.

Mánát dutket ja guorahallet diehto- ja gulahallanteknologija rolla árgaeallimis ja oahpásmuvvet iešguđetlágán diehto- ja gulahallanteknologalaš biergasiidda, applikašuvnnaide ja spealuide. Digitála dokumenteren adnojuvvvo ávkin stohkosiin, dutkamis, lihkadeamis ja dáiddalaš iskkadeamis ja buvttadeamis. Vejolašvuōdat iskkadit ja buvttadit diehto- ja gulahallanteknologalaš sisdoaluid ieš ja ovttas eará mánáiguin ovddidit mánáid kreatiiva jurddašeami, ovttasbargandáidduid ja lohkandáiddu. Bargit oahpistit mánáid geavahit diehto- ja gulahallanteknologija májggabealagħit ja dorvvolāčcat.

Oassálastin ja váikkuheapmi

Aktiivvalaš ja vásttolaš oassálastin ja váikkuheapmi huksejtit vuođu demokráhtalaš ja bistevaš boahħtevuħti. Dát eaktuda ovttaskas olbmos dáiddu ja hálu oassálastit servoša doibmii ja luohħtamuša iežas váikkuhanvejolašvuōdaide. Máná vuogatvuōdaide gullet su oaiviliid vuhtiiváldin ja oasálašvuhta iežas eallimii váikkuheaddji áššiide. Árrabajásgeassin gudnejahittá dáid demokratija ollašuvvama guovddáš prinsihpaid. Árrabajásgeassima ulbmilin lea doarjut mánáid ovdáneaddji oassálastin- ja váikkuhandáidduid ja arvvosmaħħit doaimħalašvuħti.

Gudnejahitti deaivvadeapmi mánáiguin, sin jurdagiid guldaleapmi ja álgagiidda vástideapmi nanne mánáid oassálastin - ja váikkuhandáidduid. Mánát plánejit, ollašuħtet ja árvvoħtallet doaimma ovttas bargiġuin. Seammás mánáit ohppet vuorrováikkuhusdáidduid ja oktasaš njuolggadusaid, soahpamušaid ja luohħtamuša mearkkašumi. Bargit fuolahit das ahte buot mánain lea vejolašvuhta oassálastit ja váikkuhit. Oassálastima ja váikkuheami bokte mánáit boħtet diđolażżeen alldis, sin iešluohħtamuš nanosmuvvá ja servoħis dárbašlaš sosiħa dáiddut hāpmašuvvet.

2.8 Báikkálaččat mearridanvuloš áššit

Báikkálaš árrabajásgeassinplána gárvedettiin ságastallo dán logus meroštallon árrabajásgeassima bargguid ja dábalaš mihtomeriid mearkkašumiin ja das, mo árrabajásgeassimii ásahuvvon mihtomeriid lea vejolaš ollašuhittiešguđet doaibmanvuogis.

Báikkálaš árrabajásgeassinplána govvida:

- árrabajásgeassima lágideami
- ovttasbarggu iešguđet doaibmanvuogi gaskkas
- sirdásanáigodagaid oassin máná bajásšaddama ja oahppanbálgá
- árrabajásgeassima árvovuođu ja dan vejolaččat dievasmahti báikkálaš geahččanguovlluid
- oahppanáddejumi ja dan vejolaččat dievasmahti geahččanguovlluid
- pedagogalaččat deattuhuvvon bajásgeassima, oahpahusa ja divšu ollisvuoda ja dan vejolaččat dievasmahti geahččanguovlluid
- viiddes máhttima mihtomeriid ja daidda laktáseaddji báikkálaš deattuhemiid ja doaimmaid, maid bokte mihtomeriid ollašuvvama árvvoštallat ja ovddidit
- logus 2 govviduvvon árrabajásgeassima bargguid ja almmolaš mihtomeriid ollašuvvama iešguđet doaibmanvuogis.

Árvovuođu, oahppanáddejumi ja viiddes máhttima mihtomearit váldojuvvojit vuhtii ja geahčaduvvojit dárkileappot loguin, mat gieđahallet árrabajásgeassima doaibmankultuvrra, árrabajásgeassima pedagogalaš doaimma plánema, ollašuhttima, árvvoštallama ja ovdáneami ja oahppama doarjaga.

3. ÁRRABAJÁSGEASSIMA DOAIBMANKULTUVRA

Doaibmankultuvra lea historjjálaččat ja kultuvrralaččat riegádan doaibmanvuohki, mii hápmašuvvá servoša vuorrováikkhuhusas. Árrabajásgeassima lágideaddji ja árrabajásgeassima jođiheaddjiid bargun lea hukset sihke doaibmankultuvrra ovddidanvejolašvuodaid ja árvvoštallama árrabajásgeassima iešguđet doaibmanvuogis ja ovttadagas.

Árrabajásgeassima doaibmankultuvra lea ollisvuhta, mii čohkiida ovdamearkka dihte

- árvvuin ja prinsihpain
- barggu stivrejeaddji norpmaid ja mihttomeriid dulkomis
- oahppanbirrasiin ja bargovugiin
- ovttasbarggus ja dan iešguđet hámis
- vuorrováikkhuhusas ja atmosfearas
- bargiid máhtus, fitnolašvuodas ja ovddidanmovttas
- jođihanráhkadusain ja -vuogádagain
- doaimma organiseremis, plánemis, ollašuhttimis ja árvvoštallamis.

Doaibmankultuvrra hábmejit diđoštvvon, mielavuloš ja muhtimin maiddái áiggokeahtes dahkkit. Buot servoša lahtut váikkuhit doaibmankultuvrii, ja dat fas váikkuha buot lahtuide fuolatkeahattá das, earuhuvvogo dan mearkkašupmi vai ii.

Árrabajásgeassimis buot doaibmanvuogit galget doarjut máná ovdáneami ja oahppama. Daid galgá maiddái bastit ákkastallat pedagogalaččat. Bargit galget diđoštit, ahte sin doaibman- ja vuorrováikkhuhusvuogit sirdásit málleñ mánáide, geat ohpet árrabajásgeassinservoša árvvuid, jurddašanvugiid ja vieruid.

Doaibmankultuvra váikkuha árrabajásgeassima kvalitehtii. Das lea guovddáš mearkkašupmi árrabajásgeassima ollašuhttimis ja mihttomeriid juksamis. Doaibmankultuvra, mii doarju árrabajásgeassima mihttomeriid, fállá oiddolaš dilálašvuodaid mánáid ovdáneapmái, oahppamii, oasálašvuhtii, dorvvolašvuhtii, buresbirgejupmái ja bistevaš eallin vuohkái.

Doaibmankultuvrii váikkuha erenoamážit jođiheapmi. Árrabajásgeassima jođiheami vuolggasadjin lea buot mánáid buresbirgejumi ja oahppama ovddideapmi. Doaibmankultuvrra ovddideapmi gáibida pedagogalaš jođiheami, mii oaivvilda árrabajásgeassima ollisvuoda ulbmildiđolaš ja plánejuvvon jođiheami, árvvoštallama ja ovddideami. Dat sistisdoallá buot doaimmaid, mat dahket vejolažan bargiid buriid bargodiliid, ámmátlash máhtu ja skuvlejumi ávkin atnima ja ovddideami ja pedagogalaš doaimma (lohku 4.1).

3.1 Doaibmankultuvrra ovddideapmi ja dan stivrejeaddji prinsihpat

Servoša doaibmankultuvra rievdá oba áigge ja dan gálgá maiddái árvvoštallat ja ovddidit. Oktasaš mihttomeriide čatnaseapmi ovddida árvovuođu ja oahpanánđdejumi ollašuvvama. Doaibmankultuvrra váikkuhusaid guorahallan ja dan ii-háliiduvvon iešvuodaid oahppan ja divvun leat dehálaš doaibmankultuvrra ovddideami oasit. Bistevaš ovddideami vuodđogáibádus lea, ahte bargit áddejít iežaset doaimma duohkin váikkuheaddji árvvuid, dieđuid ja jáhkuid mearkkašumi ja

máhttet árvvoštallat daid. Nuppiid gudnejahti dialoga oasálastá olles servoša ja hukse luohttámuša, lea dehálaš oassi ovddideami. Máná ovdu lea buot ovddideami vuolggasadjin.

Joðiheaddji ovddida oassálasti doaibmankultuvrra nu ahte son hukse ráhkadusaid ámmátlaš ságastallamii. Dan lassin joðiheaddji movttiidahttá bargoservoša jeavddalaččat ovddidit ja oðasmahttit oktasaš doaibmankultuvrra. Joðiheaddji doarju servoša ovdáneami oahppi searvvušin, mas máhttin ovddiduvvo ja juogaduvvo. Ulbmilin lea, ahte oktasaš doaibmanjurdda ja doaimma mihttomearit oidnojít praktihkas. Joðiheaddji vástida das ahte oktasaš bargovuogit oidnojít ja ahte daid guorahallat ja árvvoštallat jeavddalaččat. Mánát ja fuolaheaddjit leat mielde doaibmankultuvrra ovddideamis ja árvvoštallamis.

Árrabajásgeassima doaibmankultuvra ovddiduvvo čuovvovaš prinsihpaid mielde:

Oahppi searvvuš doaibmankultuvrra guovddázis

Árrabajásgeassim doaibmá searvvušin, mas mánát ja bargit ohpet ovttas ja guhtet guoimmisteaset. Oahppi servošis lea sadji iešguðetlágán oaivilidda ja dovduide. Searevvuš movttiidahttá mánáid ja bargiid juogadit roahkadit iežaset oaiviliid ja iskkadit oðða doaibmanvugiid. Searevvuš, mii oba áigge árvvoštallá ja ovddida iežas doaimma, hástá iežas ja dovdá ja atná ávkin iežas gievrawuoðaid. Oahppi searvvuš atná árvvus earáid gudnejahti ja olmmošlaš meannudeami. Searevvuš movttiidahttá sitkatvuhtii, geahčalit ja iskkadit áššiid ja suovvá maiddái meaddit dahjege feilet. Ovttasbargan ja oasálašvuoda vásáhusat nannejit servoša.

Searevvuš movttiidahttá bargiid iešárvvoštallamii, dieðu ja máhttima juogadeapmái ja seammás ámmátlaš ovdáneapmái. Ovttas sohppojuvvon mihttomeriid ja bargguid guorahallan, iežas barggu jeavddalaš árvvoštallan ja fuolaheaddjiid ja eará ovttasbargoguimmiid máhcahus ovddidit servoša oahppama. Maiddái ovdánahttinbarggus, árvvoštallamiin ja dutkamušas ožžojuvvon diehtu lea ávkin oahppama ovddideamis.

Stoahkamii ja vuorrováikkuheapmái movttiidahti searevvuš

Stoahkamii movttiidahti doaibmankultuvra dovdá stoahkama váikkuhusa máná buresbirgejupmái ja oahppamii. Bargit fuomášit stoahkama ráddjejeaddji dakkid ja ovddidit stoahkama ovddideaddji doaibmanvugiid ja oahppanbirrasiid. Mánain ja bargin lea vejolašvuhta vásihit ovttas buðaldeami ja stoahkama ilu. Searevvuš movttiidahttá buohkaid hutkáivuhtii, miellagovahusa geavaheapmái, iežaset ovdanbuktimii ja kreativavuhtii. Stoahkan oažžu oidnot ja gullot. Mánáid stoahkanálágagat, iskkadeamit ja vásáhusat ožžot saji, áiggi ja stoahkanráfi. Mánát ja rávesolbmot ožžot vejolašvuoda fokuseret stoahkamii.

Árrabajásgeassima doaibmankultuvrii gullá bargiid gaskasaš ovttasbargu ja vuorrováikkuhus fuolaheaddjiiguin ja lagasbirrasiin. Servoša lahtut gudnejahttet guhtet guoimmiset ja atnet ovttasbarggu árvvus. Searevvuš roahkasmahttá mánáid buori vuorrováikkuhussii ja servoša lahttun doaibmamii. Bargit dorjot mánáid veardásashgaskavuoðaid riegádeami ja gáhttejít ustitvuodoaid. Dorvvolaš searevvuš váldá beali ruossalasvuodaide ja oahpahallá vugiid daid čoavdimii.

Oasálašvuhta, ovttaveardásashašvuhta ja dásseárvu

Inklusiiva doaibmankultuvra ovddida oasálašvuoda, ovttaveardásashašvuhta ja dásseárvu buot doaimmas. Mánáid, bargiid ja fuolaheaddjiid álgagat, jurdagat ja oaivilat adnojuvvojít árvvus.

Dát eaktuda oasálašvuoden ovdideaddji doaibmanvugiid ja ráhkadusaid diđolaš ovdideami. Mánáid áddepupmi servošis, vuogatvuoden, ovddasvástádusain ja válljejumiid čuovvumušain ovdána oasálašvuoden bokte. Mánáid sensitiiva vuhtiiváldin ja positiiva vásáhus das, ahte sin oaivilat válđojuvvojut vuhtii, nannejit oasálašvuoden. Mánáid ja fuolaheddiid oassálastin doaimma plánemii, ollašuhttimii ja árvvoštallamii nanne maid oasálašvuoden. Juohke bargi lea dehálaš bajásgeassiservošis.

Servoša lahtut deaivvadit ja meannudit ovttaveardášvuohta ii mearkkaš seammalágánvuoden. Doaibmankultuvra ovddideami dáfus lea dehálaš, ahte bargosearvvuš ságastallá ovttaveardášvuoden ja dásseárvvu guoski jurddašanvugiin. Dan lassin galgá guorahallat, mo ovdamearkka dihte gillii, etnalašvuhtii, eallinoidnui, lámisvuhtii, sohkabeallái ja dan máŋggabealatvuhtii laktáseaddji jurddašanvugit vuhtoit ságain, láhtain, daguin ja doaibmanvugiin. Vuorrováikkhuusa ja giellageavaheami mállet ja vierut doaibmat stereotiippalaš ovdagáttuid mielde sirdásit mánáide. Árrabajásgeassin lea sohkabeallesensitiivvalaš. Bargit roahasmahttet mánáid dahkat válljejumiid almmá sohkabeallái dahje eará olbmui laktáseaddji áššiide čadnojuvvon stereotiippalaš rollaid ja ovdagáttuid. Bargit fuomášit, juos mánáid deaivvadeamit eai leat ovttaveardášvačcat, ja váldet daidda beali fiinnadovddolačcat ja jearggalačcat. Positiiva ja movttiidahti vuorrováikkhuheapmi doarju máná identitehta ja iešdovdu ovdáneami.

Kultuvrraid máŋggahámatvuohta ja gielladiđolašvuohta

Árrabajásgeassin lea oassi kultuvrralačcat nuppástuvvi ja máŋggahámat servodaga. Kultuvrraid máŋggahámatvuohta lea resursa. Vuogatvuohta iežas gillii, kultuvrii, oskkui ja eallinoidnui lea vuodđovuoigatvuohtra servošis. Árrabajásgeassin atná sihke árvvus ja ávkin suompelaš kulturárbbi, riikkagielaid ja servoša ja birrasa kultuvrralaš, gielalaš ja eallinoidnui laktáseaddji máŋggahámatvuoden. Dát gáibida bargiin dieđu eará kultuvrraid ja eallinoainnuid birra ja dáiddu oaidnit ja áddet áššiid iešguđetlágán geahčanguovlluin ja ádestallat nuppi sajádaga. Iešguđetlágán jurddašan- ja doaibmanvugiid birra ságastallo soabalačcat. Ođđa ovttasbargovuogit ráhkaduvvojut. Seammás ovddidit kultuvrralačcat bistevaš ovdáneami.

Gielladiđolaš árrabajásgeassimis diđoštuvvo ahte gielat leat mielde eallimis oba áigge ja juohke sajis. Bargit áddejtit giela guovddáš mearkkašumi mánáid ovdáneamis ja oahppamis, vuorrováikkhuheamis ja ovttasbarggus ja identitehtaid huksemis ja servodahkii gullamis. Máŋggagielatvuoden čalmmustahttin doarju mánáid ovdáneami kultuvrralačcat máŋggahámat málmmis. Bargit galget diđoštit ahte sii leat mánáid gielalaš ovdagovat, ja giddet fuomášumi iežaset giellageavaheampái. Bargit movttiidahttet mánáid geavahit giela máŋggabealagit. Mánáid gielalaš vuolggasajit válđojuvvojut vuhtii, ja sidjiide addojuvvo áigi ja maid máŋggabealat giellageavahandilálašvuodat.

Buresbirgejupmi, dorvvolašvuohta ja bistevaš eallinvuohki

Árrabajásgeassimis adnojuvvojut árvvus dearvvašlaš, dorvvolaš ja aktiivvalaš eallinvuogit. Árrabajásgeassiservošis mánát lihkadir máŋggabealagit siste ja olgun ja garvet guhkesáigásaš čohkkáma. Mánáid buresbirgejumi ovddida dat, ahte sii ožżot vejolašvuoden ráfot ja vuoinjastit beaivvi áigge ja borrat doarváti máŋggabealat, dearvvašlaš borramuša. Doaibmankultuvra ovddideamis válđojuvvo vuhtii servoša vejolašvuohtra doaibmat lotkadir ja fokuserema ovddideaddji birrasis. Čielga ja plánejuvvon, seammás maid dávgadis beaiveprogramma, ovddida buresbirgejumi.

63 Ovtaveardášvuodenáláhka 7 ja 8 §

Árrabajásgeassimis fuolahuvvo oba servoša fysalaš, psykihkalaš ja sosiála dorvvolašvuodas. Mánás lea vuogatvuohta oažut jeððehusa go dan dárbbasa. Árrabajásgeassimis ii dohkkehuvvo givssideapmi, veahkaválđi iige headušteapmi. Givssideapmi fuomášuvvo, dasa válđo bealli ja dat eastaduvvo diđolačcat ja systemáhtalačcat. Mánát oahpahallet dovdát ja čoavdit ruossalasvuođaid soabalačcat. Headuštan-, givssidan- dahje veahkaválđediliin bargit ságastallet ja ohcet čovdosiid ovttas mánáid fuolaheaddjiiguin. Dorvvolašvuoda ovddideapmái gullet maiddái dáhpedorpmiid plánejuvvon easttadeapmi ja gohcin, dorvvolašvuodabajásgeassin ja doaibmansajiin ja biergasiin fuolaheapmi. Árrabajásgeassin gáibida doaibmi ja čatnasan dorvvolašvuoda jođiheami ja bargiid, geat hálldašit dorvvolašvuhti laktáseaddji áššiid.

Doaimmas válđojuvvo vuhtii ekologalačcat, sosiálalačcat, kultuvrralačcat ja ekonomalačcat bistevaš eallinvuogi vealtameahttunvuohta. Mánát ohppet láhttet vássttolačcat luonddus ja birrasis árgga válljejumiid ja doaimmaid bokte. Árrabajásgeassin ovddida biergasiid ja doaibmansajiid oktasašgeavaheami, govttolašvuoda, seastevašvuoda, divvuma ja ođđasit geavaheami.

3.2 Árrabajásgeassima oahppanbirrasat

Árrabajásgeassima ulbmilin lea sihkkarastit gárgedeaddji, oahppama ovddideaddji, dearvvašlaš ja dorvvolaš oahppanbirrasa⁶⁴. Oahppanbirrasiin dárkuhit doaibmansajiid, báikkiid, servošiid, geavadagaid, biergasiid ja dárbašiid, mat dorjot mánáid ovdáneami, oahppama ja vuorrováikkhusa. Oahppanbirrasdoaba sisttisoallá árrabajásgeassimis earret eará fysalaš, psykihkalaš ja sosiála aspeavtta. Oahppanbirrasat ráhkaduvvojtit nu ahte árrabajásgeassimii ásahuvvon mihtomeriid lea vejolaš juksat ja ahte dat dorjot mánáid dearvvaš iešdovdu ja sosiála- ja oahppandáidduid ovdáneami. Ergonomiija, ekologalašvuohta, loaktin, easttahisvuohta ja doaibmansajiid čuovggat, akustihkka, sisáimmu kvalitehta ja čorgatvuohta válđojuvvojtit vuhtii oahppanbirrasiid huksemis ja ovddideamis.

Mánát oassálastet oahppanbirrasiid plánemii ja huksemii. Oahppanbirrasat galget doarjut mánáid lunndolaš sáhkiivuoda ja oahppama hálu ja oahpistit stoahkamii, fysalaš aktívvalašvuhti, dutkamii ja dáiddalaš ovdanbuktimii ja vásieheapmái. Mánás galgá leat vejolašvuohta dutkat máilmimi buot áiccuiguin ja oba gorudiin. Oahppanbirrasat fállet mánáide molssaeavttuid miela miel buđaldeapmái, máňggabealat ja johtilis lihkadeapmái, stoahkamii ja spealuide ja ráfálaš orodeapmái ja vuoinjasteapmái. Mánáid ideat, stohkosat ja barggut oidnojít oahppanbirrasiin.

Oahppanbirrasis sáhttá ollašuhttit máňgalágán pedagogalaš doaimmaid. Oahppanbirrasat rivdet dárbbu miele. Bargit galget váldit vuhtii mánáid beroštumiid, individuála dáidduid ja dárbbuid ja logus 4 govviduvvon árrabajásgeassima ollašuhttima prinsihpaid. Árrabajásgeassin ollašuhtto njuovžilit sierrasturrosaš joavkkuiguin, main buot servoša lahtuin lea vejolašvuohta oassálastit doibmii ja vuorrováikkueapmái. Pedagogalačcat plánejuvvon joavkkuin doaibman ovddida mánáid ja bargiid fokuserema ja mánnáguvdilis doaimma.

Oktasaččat sohppojuvvon njuolggadusat ja doaibmanvuogit veahkehit hukset oahppanbirrasa, mas lea dorvvolaš, earáid gudnejahhti ja oktasašvásttolaš atmosfeara. Dorvvolaš atmosfearas mánát ožzot čájehit iežaset dovdduid ja bargit veahkehit sin daid ovdanbuktimis ja ieštivremis. Bargit roahkasmahttet mánáid jeerrat, ja vástidit sin jearaldagaide.

64 Árrabajásgeassinlhák 2 a 4. čuokkis ja 6 §

Oahppanbirrasat plánejuvvojit ja huksejuvvojit nu ahte dat nannejit ovttaveardásašvuoda ja sohkabeliid dásseárvvu. Dát dakhá vejolažan árbevirolaš sohkabeallái laktáseaddji stereotippaid biđgema. Oahppanbirrasat ovddidit mánáid gielalaš ovdáneami ja gielladiđolašvuoda ja čalmmustahhtet kultuvrralaš máŋggahámatvuoda.

Luondu, šiljut, stoahkangiettit ja eará huksejuvvon birrasat leat maiddái árrabajásgeassima oahppanbirrasat. Dat fállet vásáhusaid, materálaid ja máŋggabealat stoahkan- ja dutkanvejolašvuodaid. Dat leat báikkit, gos mánát lihkadir, ožot vásáhusaid luonddus ja ohpet.

Mánain galget leat geavahusas doarvái máŋggabealat ja dorvvoláš stoahkan- ja doaibmanbiergasat. Doaibmanbiergasiid galgá válljet mánáid individuála dárbuid mielde. Diehto- ja gulahallanteknologija gullá máŋggabealat ja máná oasálasti oahppanbirrasii. Diehto- ja gulahallanteknologija geavahuvvo árrabajásgeassimis ulbmildiđolaččat. Mánát sáhttet geavahit iežaset diehto- ja gulahallanteknologalaš rusttegiid, duhkorasaid ja eará biergasiid nu mo árrabajásgeassima lágideaddji mearrida. Iežas rusttegiid, duhkorasaid ja biergasiid geavaheamis berre soahpat máná fuolaheddjiiguin.

Ovttasbargu eará doibmiiguin ja galledeamit ovdamearkka dihte girjerádjui, museai, kulturárbebáikiide, teáhterii ja fuolaheaddjiid bargosajiide riggodahttet mánáid oahppanbirrasiid. Oahppanbirrasiid plánen fállá maiddái vuogas ovttasbargovejolašvuoda fuolaheaddjiide ja bargiide.

3.3 Ovttasbargu árrabajásgeassimis

Ovttasbargu doarju máná árrabajásgeassima lágideami nu ahte buot mánát ožot bajásgeassima, oahpahusa ja divšu iežaset ovdáneami ja dárbuid mielde. Ovddasvástádus ovttasbarggu ollašuvvamis ja plánemis lea árrabajásgeassima lágideaddjiin. Sii västidit maiddái das, ahte ovttasbargu ollašuhtto dárbbu mielde máŋggasuorgásit.

Ovttasbargu fuolaheaddjiiguin

Ovttasbargu fuolaheaddjiiguin lea dehálaš oassi árrabajásgeassima. Ovttasbarggu ulbmilin lea fuolaheaddjiid ja bargiid oktasaš čatnaseapmi mánáid dearvvaš ja dorvvoláš bajásšaddama, ovdáneami ja oahppama ovddideapmái. Luohttámuša huksen, dásseárvosaš vuorrováikkuhus ja bargiid ja fuolaheaddjiid gaskasaš gudnejahtin dorjot bajásgeassinbarggu.

Bajásgeassinbargui laktáseaddji árvvuin, mihttomeriin ja ovddasvástádusain ságastallo sihke bargiiguin ja fuolaheaddjiiguin. Ovttasbargu vuodđuduuvvá vuorrováikkuhussii ja gáibida árrabajásgeassima bargiin doaimmalašvuoda ja aktiivvalašvuoda. Bearrašiid máŋggahámatvuhta, mánáid individuála dárbbut ja fuolaheaddjiide ja vánhemidda laktáseaddji jearaldagat váldojuvvojvit vuhtii ovttasbarggus. Dárbbu mielde ságastallamiin geavahuvvo dulkka, ja ná sihkkarastojuvvo guovttebealat áddejupmi⁶⁵.

Ovttasbarggus sáhttet leat iešguđetlágán barggut ja hámit mánáid árrabajásgeassima áigge. Mánáid beaivválaš dáhpáhusat ja vásáhusat juogaduvvojtit fuolaheaddjiiguin. Ságat, mat movttiidahttet ja govvidit máná ovdáneami ja oahppama positiivvalaččat, leat dehálaččat. Fuolaheaddji ja bargiid fuomášumit ja ságastallamat máná beaivi birra dorvvastit máná buresbirgejumi.

65 Árrabajásgeassinihláhka 14 a § ja Giellaláhka (423/2003) 18 §

Ovttasbarggus lea erenomáš stuorra mearkkašupmi sirdásanáigodagain. Dákkár sirdásanáigodagat leat ovdamearkka dihte máná álggaheapmi árrabajásgeassimis, sirdáseamit árrabajásgeassima áigge, beaiveruoqttu molsun ja ovdaoahpahusa álggaheapmi. Oktasaš ságastallamis lea erenomáš rolla máná árrabajásgeassinplána čállimis (lohu 1.3). Ovttasbargu fuolaheaddjiiguin lea erenomáš dehálaš máná ovdáneami ja oahppama doarjaga plánema ja ollašuhtima dáfus (lohu 5). Luhtolaš atmosfeara dahká vejolažžan fuolaheaddjiid ja bargiid gaskasaš ovttasbarggu maiddái hástaleaddji dilálašvuodain, ovdamearkka dihte dalle, go lea fuolla máná buresbirgejumis.

Mánáid fuolaheaddjiin galgá leat vejolašvuhta oassálastit árrabajásgeassima doaimma ja bajásgeassinbarggu mihtomeriid plánemii ja ovddideapmái ovttas bargiiguin ja mánáiguin. Diehto-ja gulahallanteknologijja adnojuvvo ávkin ovttasbarggus fuolaheaddjiiguin. Ovttasbargu sáhttá doarjut maiddái fuolaheaddjiid gaskasaš vuorrováikkhusa. Fuolaheaddjiid fierpmáiduvvan ja oktasaš doaibma iešguđetlágán dilálašvuodain nanne searvvušvuoda ja doarju bargiid barggu.

Májggasuorggat ovttasbargu

Májggasuorggat ovttasbarggu ulbmilin lea sihkkarastit ahte árrabajásgeassin ollašuvvá doaibmanovttadagain mánáid dárbbuid mielde. Árrabajásgeassinlhák mearrida ahte gielda galgá árrabajásgeassima ordnedettiin doaibmat májggasuorggat servošis ja hukset dárbašlaš ovttasbargoráhkadusaid⁶⁶.

Árrabajásgeassimis dehálaš ovttasbargoguoimmit leat rávvehaga ámmátolbmot, mánáidsuodjalus-ja eará dearvvašvuodafuolahus- ja sosiálabalvalusbargit. Ovttasbarggus lea erenomáš stuorra mearkkašupmi dalle, go muhtin dán doibmiin lea fuolas máná ovdáneamis, buresbirgejumis dahje máná doarjaga plánemis ja lágideamis. Viiddes dearvvašvuodadárkkistus sistisdoallá árrabajásgeassinbargiid árvvoštallan vuollel skuvlaahkásaš máná birgemis ja buresbirgejumis árrabajásgeassimis, juos fuolaheaddji miehtá dasa čálalaččat⁶⁷. Árvvoštallan lea dehálaš oassi máná oppalaš bajásšaddama, ovdáneami ja buresbirgejumi árvvoštallama ja doarjaga dárbbu dovdáma májggasuorggat ovttasbarggus.

Árrabajásgeassima ovttasbargoguoimmit leat buot dakkár guovlluguovdasaš ja báikkálaš doaibmit, maiguin árrabajásgeassima lea vuugas ovttasbargat. Ovttasbargu ovdamearkka dihte oahpahusas, lihkadeamis, girjerájus ja kultuvrras vástideaddji doibmiiguin ja eará lagasbirrasa doibmiiguin lasiha oahppanbirrasiid májggabealatvuoda ja doarju árrabajásgeassima mihtomeriid. Gieldda árrabajásgeassima ja gieldda siste doaibmi priváhta árrabajásgeassinbálvalusaid gaskasaš ovttasbargu lea dehálaš. Árrabajásgeassima eará ovttasbargoguoimmit leat ovdamearkka dihte searvvit, searvegoddit, boles ja biebman- ja čorgenbálvalusat.

3.4 Báikkálaččat mearridanvuloš ášsit

Báikkálaš árrabajásgeassinplána govvida

- árrabajásgeassima doaibmankultuvra ovddideami mihtomeriid ja árvvoštallangeavadagaid
- árrabajásgeassima oahppanbirrasiid ja daid árvvoštallangeavadagaid
- fuolaheaddjiiguin ovttasbargama mihtomeriid ja geavadagaid

66 Árrabajásgeassinlhák 9 ja 11 e §

67 Stáhtarádi ásahus mánárvvehatdoaimmas, skuvla- ja studerendearvvašvuodafuolahusas ja mánáid ja nuoraid eastadeaddji njálmidearvvašvuodafuolahusas (380/2009) ja dan rievdadus (338/2011) 7 §


- mánggasuorggat ovttasbarggu mihtomeriid, ráhkadusaid ja doaibmanvugiid
- sierra ovttasbargovugiid árvvoštallangeavadagaid.

Árrabajásgeassima lágideaddji fuolaha das ahte buot árrabajásgeassima doaibmanovttadagat sáhttet dárkkálnuhttít iežaset doaibmankultuvrra, oahppanbirrasiid ovddideami mihtomeriid ja ovttasbargui laktáseaddji geavadagaid. Árrabajásgeassima lágideaddji mearrida dárkkálnuhltimiid čáliheamis báikkálaš árrabajásgeassinplánii.

4. ÁRRABAJÁSGEASSIMA PEDAGOGALAŠ DOAIMMA PLÁNEN JA OLLAŠUHTTIN

4.1 Pedagogalaš doaimma refereansarápma

Árrabajásgeassima pedagogalaš doaimma ja dan ollašuhttima govvida oppalašvuhta. Ulbmilin lea ovddidit mánáid oahppama, buresbirgejumi ja viiddes máhettima (govus 1). Pedagogalaš doaibma ollašuvvá mánáid ja bargiid gaskasaš vuorrováikkahuhas ja oktasaš doaimmas. Mánáid ieševttolaš, bargiid ja mánáid oktasačat hutkojuvvon ja bargiid jođihan doaimma plánen dievasmahttet nuppit nuppiid. Árrabajásgeassima pedagogalaš doaibma hukse bajásgeassima, oahpahusa ja divšu ollisvuoda.



GOVUS 1. ÁRRABAJÁSGEASSIMA PEDAGOGALAŠ DOAIMMA REFEREANSARÁPMA

Ulbumildiðolaš doaimma vuodju huksejtit sihke árvovuoðđu (lohu 2.4), oahppanád dejupmi (lohu 2.5), daidda vuodđuduvvi doaibmankultuvra (lohu 3) ja máŋgabearat oahppanbirrasat (lohu 3.2), ovttasbargu (lohu 3.3) ja bargovuogit (lohu 4.3). Doaimma plánema vuodđun leat mánáid beroštumit ja dárbbut ja sin šaddanbirrasii laktáseaddji mearkkašahti áššit. Vuolggasadjin leat maiddái logus 4.5 govviduvvon oahppama viidodagat. Alladását pedagogalaš doaimma eaktun lea plánejuvvon dokumenteren, árvvoštallan ja ovddideapmi (logut 4.2 ja 7). Viiddes oahppama mihttomearit stivrejtit oassái doaimma plánema.

Báikkálaš árrabajásgeassinplánat dárkkálnuhhttet pedagogalaš doaimma mihttomeriid ja prinsihpaid. Árrabajásgeassima iešguđetlágán doaibmanvuogit, bargiid ráhkodus ja eará iešvuođat válđojuvvojtit vuhtii mihttomeriid dárkkálnuhttimis. Báikkálaš árrabajásgeassinplána ja mánáid árrabajásgeassinplánat (lohu 1.3) leat doaimma plánema vuolggasajit. Doaibma ollašuhtto dan láhkái, ahte mánáin lea vejolašvuhta ovdáni oahppamis nu ahte sirdáseapmi árrabajásgeassimis ovdaohpahussii dáhpáhuvvá njuovžilit.

4.2 Pedagogalaš dokumenteren

Pedagogalaš dokumenteren lea árrabajásgeassima plánema, ollašuhtima, árvvoštallama ja ovddideami guovddáš bargovuohki. Pedagogalaš dokumenterema proseassa, dasa laktáseaddji fuomášumit, dokumeanttat ja daid dulkon, hábme áddejumi pedagogalaš doaimmas. Pedagogalaš dokumenteren dahká vejolažan mánáid ja fuolaheddjiid oassálastima doaimma árvvoštallamii, plánemii ja ovddideapmái.

Pedagogalaš dokumenteren buvttada máŋgabearat ja konkrehta dieđu mánáid eallimis, ovdáneamis, beroštumiin, jurddašeamsi, oahppamis, dárbbuin ja mánnájoavkku doaimmas. Ovttaskas dokumeanttaiguin, ovdamemarkka dihte govaiguin, sárgosiiguin ja bargiid fuomášumiiguin, sáhittit dárkkodit mánáid ovdáneami ja oahppama. Pedagogalaš dokumenteren čalmmustahtta mánáid dieđuid, dáidduid, beroštumiid ja dárbbuid ja lea doaimma plánema vuodđun.

Plánejuvvon dokumenterema ulbmilin lea dat ahte bargit ohpet dovdat ovttaskas máná, áddet mánáid gaskasaš gaskavuođaid ja maiddái joavkku bargiid ja mánáid gaskasaš vuorrováikkuheami luondu. Pedagogalaš dokumenterema ulbmilin lea ollašuhttit árrabajásgeassima nu ahte vuolggasadjin leat mánáid dárbbut. Dokumenteremiin ožžojuvvon diehtu ja áddejupmi adnojuvvo ávkin ovdamemarkka dihte bargobájiid, oahppanbirrasiid, doaimma mihttomeriid, vugiid ja sisdoaluid hábmemis mánáid beroštumiid ja dárbbuid mielde. Máná árrabajásgeassinplána gullá pedagogalaš dokumenterema prosessii (lohu 1.3). Plánejuvvon pedagogalaš dokumenteren dárbašuvvo maiddái mánáid ovdáneami ja oahppama doarjaga dárbbu árvvoštallamis (lohu 5).

Guhkit áigodagas čohkkejuvvon dokumeanttat leat dehálaš oassi pedagogalaš doaimma árvvoštallama ja bargiid doaimma iešárvvoštallama (lohu 7.1).

4.3 Máŋgabearat bargovuogit

Bargobájiid válljema stivrejtit árrabajásgeassimii ásahuvvon barggut ja mihttomearit ja lassin mánáid ahki, dárbbut, gáibádusat ja beroštumit. Doaimmalašvuđa, kreatiivavuođa ja oasálašvuđa ovddideaddji oahppanvuogit leat mánáide lunddolaš oahppanvuogit. Dákkárat leat ovdamemarkka dihte mánáid ieševttolaš ja bagadallon stoahkan, dutkan, lihkadeapmi ja dáiddalaš iskkadeapmi ja

ovdanbuktin. Doaibma atná ávkin diehto- ja gulahallanteknologija. Mánggabéalat bargovuogit leat sihke oahpahusa čuozáhagat ja bargoneavvut. Dán dihte lea dehálaš, ahte bargit oahpistit mánáid iskkadit ja geavahit iešguðetlágán bargovugiid iešguðet sturrosaš joavkkus ja maid iehčanassii. Mánát ohpet jearadit, imaštallat, árvvoštallat ja čoavdit čuolmmaid ovttas.

Bargiin gáibiduvvo ámmátdáidu ja hearkivuohta fuomášit pedagogalaš vejolašvuodžaid iešguðetlágán dilálašvuodžain. Dát oidno earret eará dáiđun fuobmát mánáid álgagiid ja dovdduid ja rievdadit iežas doaimma daid mielde. Unnit mánáid álgagat leat dávjá fysalačat ja sáneheamit, nuba daid ádden ja daidda vástideapmi gáibida bargiin sensitiiva mieldeorruma ja máná buori dovdama.

Mánát oassálastet bargobájiid plánemii ja válljemii iežaset vejolašvuodžaid mielde. Mánás galgá leat vejolašvuohtha dutkat máilmimi buot iežas áiccuiquin ja oba gorudiin ja iskkadit iešguðetlágán bargovugiid. Molsašuddi bargovuogit fállet sierraahkáš ja sierraláhkái oahppi mánáide lihkostuvvama vásáhusaid. Mánggabéalat bargovuogit gáibidit mánngabéalat oahppanbirrasiid. Bargit ja mánát geavahit iežaset máhtu ávkin iešguðetlágán bargovugiin ja sii maiddái iskkadit ja ovddidit daid.

4.4 Stoahkan ovdáneami, oahppama ja buresbirgejumi gáldun

Stoahkan lea guovddáš doaibmanvuohki árrabajásgeassimis. Árrabajásgeassima bargun lea fállat mánáide vejolašvuodžaid iešguðetlágán stohkosiidda. Stoahkan ovddida máná ovdáneami, oahppama ja buresbirgejumi. Mánná oahppá stoahkamiin, muhto sutnje stoahkan ii leat diđolaš oahppanvuohki muhto baicce vuohki orrut, eallit ja hábmet máilmimi. Vásáhusat, mat boktet mánáid dovdduid, sáhkiivuođa ja beroštumi, ávžuhit stoahkat.

Mánnái stoahkama mearkkašupmi riegáda stohkosiin. Mánná illuda ja návddaša stoahkamis. Stoahkama áigge mánát leat aktiiva doaibmit: sii lađastallet ja dutket birastahti máilmimi ja huksejít sosiála gaskavuođaid ja mearkkašumiid iežaset vásáhusaide. Stoahkama áigge mánát huksejít áddejumi alddis ja eará olbmuin. Stoahkama áigge mánát sihke áddestantallet earáid ja ráhkadit ođđa áššiid ja heivehit dan, maid oidnet. Seammás sii simulerejít ja dárkkodit iežaset nieguit ja doaivagiid. Miellagovahusa bokte mánát sáhttet iskkadit iešguðetlágán rollaid ja ideaid, maid eai muđuid sáhtášedje ollašuhttit. Stohkosiin mánát sáhttet gieđahallat váttis vásáhusaid. Stohkosiin lea dorvvolaš geahččalit, iskkadit ja dahkat feaillaid.

Stoahkan ovttasta dehálaš oahppama ovddideaddji elemeanttaid: movtta, ovttasbargama ja iežas dáidduid hástima. Stoahkan ovdána ja oažju sierra hámiid ođđa vásáhusaid bokte. Bargiid ja mánáid ja mánáid gaskasaš vuorrováikkuhus hukse vuodžu jurddašeami, giela ja stoahkandáidduid ovdáneapmái. Mánát dárkkodit, iskkadit ja ohpet servoša njuolggadusaid stohkosiid bokte. Joavkkus stoahkan oahpaha máná stivret iežas dovdduid ja háluid ja váldit vuhtii earáid oaiviliid. Stoahkan nanne searvvušvuodža ja positiiva atmosfeara.

Stoahkan lea árrabajásgeassima guovddáš bargovuohki. Pedagogalaš doaimmas stohkosat ja stoagusmáilmmit sáhttet sistisdoallat ja ovttastit ovdamearkka dihte drámá, improvisašuvnna ja máidnasiid. Bargit galget váldit vuhtii fuolalaš dutkama, spontána ja kreatiiva ovdanbuktima ja johtilis lihkadanstohkosiid váikkuhusa máná buresbirgejupmái ja oahppamii. Iešguðetlágán dilálašvuodžaid sáhttá riggudit stoaguslágán doaimmain. Divttat, sátnelaikkat, lávlagat ja oktasaš suohtastallan nannejit positiiva atmosfeara, mii doarju oahppama ja buresbirgejumi.

Bargit galget sihkkarastit mánáid stoahkanvejolašvuodaid, bagadallat stoahkama heivvolačat ja fuolahit das, ahte buot mánain lea vejolašvuohta oassálastit oktasaš stohkosiidda iežaset dáidduid ja válmmašvuodaid mielde. Bargit galget addit mánáid stoahkamii ulbmildiđolaš ja plánejuvvon doarjaga. Sii stivrejít stoahkama juogo stohkosiid olggobealde dahje nu ahte leat ieža mielde stohkosiin. Bargiid fysalaš ja psykihkalaš mieldeorrunk doarju mánáid gaskasaš vuorrováikkuheami ja eastada ruossalasvuodaid riegádeami.

Bargit galget geahčadit ja dokumenteret mánáid stoahkama. Stoahkama geahčadeapmi lasiha bargiid áddejumi máná jurddášeami, beroštumiin, dovdduin ja vásáhusain. Fuomášumit adnojuvvovit ávkin stoahkama ja eará doaimma plánemis ja bagadallamis. Mánáid stoahkanálgagiid fuomášeapmi ja heivvolaš vástideapmi daidda gáibida bargiin hearkivuođa, ámmátdáiddu ja sohkabeallesensiivavuođa.

Stoahkan gáibida áiggi, ráfi, dili, stoahkanbiergasiiid ja materiálaid. Oahppanbirrasat galget rievdat dávgasit stohkosiid mielde, dasgo stoahkanbirrasat sáhttet maiddái rievddadit.

Mánáid kultuvrra ja mánáide oaivvilduvvon media dovdamuš veahkeha bargiid áddet mánáid stohkosiid. Maiddái iešguđetlágán spealut ja digitála biergasat fállet stohkosiidda máŋggalágán vejolašvuodaid. Stoahkamii movttiidahti oahppanbirrasis maiddái rávesolmmoš lea oahppi. Bargit ja fuolaheaddijit ságastallet stoahkama mearkkašumis ja mánáid stoahkamii laktáseaddji fuomášumiin. Ná ovddiduvvo stoahkama joatkašuvvan ruovttus dahje árrabajásgeassimis.

4.5 Oahppama viidodagat

Oahppama viidodagat govvidit árrabajásgeassima pedagogalaš doaimma guovddáš mihttomeriid ja sisdoaluid. Dat oahpistit bargiid ja mánáid plánet ja ollašuhttit máŋggabealat ja čavddis pedagogalaš doaimma. Mánain lea vuogatvuohta oažžut máŋggabealat vásáhusaid oahppama iešguđet suorggis. Oahppama viidodagat eai leat ollisvuodat, maid sáhttá ollašuhttit sierra, dasgo daid fáttát ovttastuvvet ja vuogáiduvvet mánáid beroštumiid ja máhtu mielde. Oahppama viidodagat leat juogaduvvon ovdaohpahusa oahppaplána vuoduštusain⁶⁸ viđa ollisvuhtii:

- Gielaid rikkis málbmi
- Ovdanbuktimá máŋggat hámit
- Mun ja min searvvuš
- Dutkkan ja doaimman iežan birrasis
- Bajásšaddan, lihkadan ja ovdánan.

Čavddis, pedagogalaš doaibma dakhá vejolažan áššiid ja fenomenaid viiddes dárkkodeami ja dutkama. Mánáid beroštumit ja jearaldagat leat doaimma guovddáš vuolggasadji. Fáttát sáhttet loktanit ovdamemarka dihte stohkosiin, máidnasiin, mátkkiin ja spontána mánáid ja bargiid dahje mánáid gaskasaš vuorrováikkuhusdilálašvuodain. Oahppama viidodagaid mihttomeriid gieđahallanvuohki molsašuddá válljejuvvon fáttáid, dilálašvuodaid ja mánáid oahppama mielde. Bargit galget sihkkarastit, ahte pedagogalaš doaibma ovddida sierraahkásaš mánáid ovdáneami ja oahppama.

68 Ovdaohpahusa oahppaplána vuoduštusat 2014

Gielaid rikkis málbmi

Árrabajásgeassima bargun lea nannet mánáid sihke **gielalaš dáidduid ja válmmašvuoðaid** ja **gielalaš identitehta** ovdáneami. Árrabajásgeassin nanne mánáid sáhkkiivuoða ja beroštumi gielade, teavsttaide ja kultuvrraide. Giela ovdáneami doarjun čatnasa máná mánggalohkandáiddu ovdáneapmái (lohku 2.7). Dan lassin das lea oktavuhta máná viiddes máhttimii, masa laktásit earret eará kultuvrralaš máhttin ja vuorrováikkuhus. Ovdáneaddji gielalaš dáiddut addet mánáide oðða váikkuhanvugiid, vejolašvuoðaid oasálašvuhtii ja aktiva doaibmamii.

Giella lea sihke oahpahusa čuozáhat ja gaskaoapmi. Dainna mánná hálldaša iešguðetlágán dilálašvuoðaid ja ášsiid ja doaibmá vuorrováikkuhusas earáiguin, ovdanbuktá iežas ja skáhppo dieðu. Árrabajásgeassima sihke mánggabéalat giellabiras ja ovttasbarlu fuolaheaddjiigui dorjot mánáid gielalaš ovdáneami. Árrabajásgeassimis mánná oažju positiiva ja jeargalaš máhcahaga iežas giellageavahan- ja vuorrováikkuhusdáidduin.

Mánát sahhttet oahppat mánggaid gielaid seammá áigge ja gielaid ovdáneapmi ja geavaheapmi sahhttá leat earálágán eará dilálašvuoðain. Árrabajásgeassimis válđojuvvo vuhti dat ahte mánát bajásšaddet iešguðetlágán gielalaš birrasiin. Ruovttuid giellageavahan- ja vuorrováikkuhusvuogit molsašuddet, ja ruovttuin sahhttet hállat mánga giela. Árrabajásgeassin čalmmustahttá gielalaš ja kultuvrralaš mánggahámatvuða ovttasbarggus máná fuolaheaddjiigui. Dát fas doarju mánáid gielalaš identitehtaid ovdáneami. Lohku 4.6 gieðahallá gillii ja kultuvrii laktáseaddji dárkkálnuhtti geahččanguovlluid.

Giela oahppama dáfus lea dehálaš diðoštít ahte seammaahkásaš mánát sahhttet leat eará muttuin gielalaš ovdáneami iešguðet dásis. Gielalaš identitehtat ovdánit, go mánát ožot doarjaga ja veahki gielalaš dáidduid ja válmmašvuoðaid guovddáš viododagain.

Vuorrováikkuhusdáiddut	Giela áddema dáiddut	Hállama buvtadeami dáiddut	Giela geavahan-dáiddut	Gielalaš muitu ja sátnerádu	Giella-didolašvuohta
Ovdáneaddji gielalaš identitehtat					

GOVUS 2. MÁNÁID GIELA OVDÁNEAMI GUOVDDÁŠ VIIDODAGAT ÁRRABAJÁSGEASSIMIS

Vuorrováikkuhusdáiddut ovdánit go mánát vásihit, ahte sin guldalit ja ahte sin álgagiidda vástidit. Bargiid sensitiivavuohta ja reageren maiddái mánáid sánehis ságaide lea dehálaš. Árrabajásgeassin movttiidahttá mánáid kommuniseret eará mánáiguin ja bargiiguin. Dát doarju mánáid vuorrováikkuhusdáidduid ovdáneami.

Gielalaš simulerema válljodat doarju mánáid **giela áddema dáidduid**. Jeargalaš doaimma sánálaš čilgen ja ságastallan viiddidit mánáid sátneráju. Iešguðetlágán árrabajásgeassindáhpáhusain geavahuvvo govvideaddji ja dárkilis giella. Maiddái govat, dinggat ja láhttadeapmi geavahuvvojít dárbbu mielde.

Mánáid **hállandáiddu ovdáneapmi** čuvvojuvvo ja stivrejuvvo. Mánát ožot roahkkatvuoda hállát iešguđetlágán dilálašvuodain sihke rávesolbmuiguin ja mánáiguin. Dát veahkeha mánáid sihke geavahit ja áddet hállojuvvon giela. Vehážiid mielde giddejuvvo fuomášupmi maiddái suopmaniidda ja deattuhusaide.

Mánáid **giellageavahandáiddut** bagadallojít ja giellageavaheapmi guorahallo ovttas mánáiguin iešguđet dilálašvuodođas. Mihttomearrin lea nannet máhtu geavahit giela iešguđet dilálašvuoda mielde. Mánát hárjehallet muntilit, čilget ja hállat vurrolagaid. Dan lassin čiekjalis mieldeeallin, humora geavaheapmi ja buriid dábiid oahpahallan nannejit mánáid giellageavahandáidduid. Oahpásmuvvan iešguđetlágán teavsttaide doarju giellageavahandáidduid ovdáneami ja veahkeha mánáid áicat hállojuvvon ja čállojuvvon giela erohusaid.

Mánáid gielalaš ovdanbuktin buorrána, go sin **gielalaš muitu ja sátnerádju** viidána. Bargit galget diđolačcat doarjut dán ovdáneami. Gielalaš muittu ovdáneami dorjot ovdamearkka dihte divttat ja lávllastohkosat. Gielain leikošeapmi, namaheapmi ja govvideaddji sániid geavaheapmi ovddida mánáid gielalaš muittu ja sátneráju viidáneami. Dilálaš ságastallan, lohkan ja máinnasteapmi fállet vejolašvuodaid suokkardit sániid ja teavsttaid mearkkašumiid ja oahpahallat ođđa doahpagiid áššeoktavuođain.

Lagasbirrasa iešguđet giela áiccadeapmi doarju mánáid **gielladiđolašvuoda ovdáneami**. Bargit galget boktit ja lasihit mánáid beroštumi njálmálaš ja čállojuvvon gillii ja vehážiid maiddái lohkamii ja čállimii. Giela áiccadeapmi ja dutkan gidde mánáid fuomášumi sániid mearkkašumiide, giela hámiide ja ráhkadusaide, dego sániide, stávvaliidda ja jietnadagaide. Mánát ožot roahkkatvuodat cállit ja lohkat leaikkalačcat.

Árrabajásgeassimis geavahuvvon teavsttat leat riggát ja molsašuddit. Mánát oahpásmuvvet mánggabealat mánáidgirjjálašvuhtii. Bargit máinnastit mánáide ja movttiidahttet sin hutkat iežaset máidnasiid. Mánáid muntilusat, divttat ja sánalaš ságat dokumenterejuvvojit. Árrabajásgeassin, mii doarju mánggalohkandáiddu, atná hállama lassin ávkin earret eará visuála, auditiva ja audiovisuála ságaid ja teavsttaid.

Ovdanbuktimánga iešguđet hámi

Árrabajásgeassima bargun lea ulbmildiđolačcat doarjut mánáid sihke **musikhalaš, govalaš, sánalaš** ja **gorutlaš ovdanbuktimá** ovdáneami ja oahpásmahattit sin iešguđet dáiddasuorgái ja kulturárbái. Mánáid ovdanbuktimii lea mihtimas oppalašvuohta ja ovdanbuktimá iešguđetlágán hámiid kreatiiva ovttastallan. Dáiddalaš vásihheapmi ja ovdanbuktin ovddidit mánáid oahppanvejolašvuodaid, sosiála dáidduid, positiiva mungova ja válmmašvuodaid áddet ja lađastallat birastahti máilmomi. Jurddašan-ja oahppandáiddut ovdánit, go mánát dutket, dulkojít ja huksejít mearkkašumiid iešguđetlágán ovdanbuktindáidduid hárjehallama bokte. Dáidu goyahallat ja hukset miellagovaid lea dehálaš maiddái máná ehtalaš jurddašeami ovdáneami dáfus. Kulturárbái, dáidagii ja ovdanbuktimá iešguđetlágán hámiide oahpásmuvvan nanne maiddái máná mánggalohkandáiddu, oassálastima ja váikkuheami.

Kultuvra lea dehálaš oassi máná identitehta. Árrabajásgeassin fállá mánáide vejolašvuodaid oaidnit ja vásihit mánggabealagit dáidaga ja kultuvrra. Dáidagii ja kultuvrii laktáseaddji vásáhusat nannejit mánáid návcicaid áddet, geavahit ja buvttadit kultuvrra. Seammás mánát ohpet áddet dáidaga ja kulturárbbi mearkkašumi ja árvvu.

Ovdanbuktimá iešguðetlágán hámit fállét mánáide vejolašvuodaid vásihit ja hábmet málmmi vugiin, mii guoskkaha ja movttiidahttá sin. Dáiddalaš ovdanbuktin fállá mánáide movttiidahttí vugiid čalmmustahttit áiccuid, dovdduid ja kreatiiva jurddašeami. Mánát oahpásmuvvet ovdanbuktimá iešguðetlágán hámiide mánggain áiccuin nu ahte sii atnet ávkin iešguðetlágán bargobájjid, oahppanbirrasiid ja lagasbirrasa kulturfálaldaga. Oahppanbirrasiid estetikhka, movttiidahttivuohta, mánggabeealat biergasat ja materiálat ja doarvái buorre bagadeapmi leat dehálaččat dalle, go mánát oahpásmuvvet ovdanbuktinvugiide.

Dáiddabajásgeassin sistisdoallá sihke spontána ja ovddalgihtii plánejuvvon doaimma. Ovdanbuktimá ja oahppama proseassat deattuhit iskkadeami, dutkama ja bargama iešguðet muttu hárjehallama ja daid dokumenterema. Dáiddabajásgeassin doarju mánáid individuála ovdanbuktimá ja addá doarvái áiggi ja saji mánáid oktasaš kreatiiva proseassaide. Bargiid, mánáid ja ovttasbargoguimmiid erenoamášmáhttu lea dáiddabajásgeassima resursa.

Árrabajásgeassima **musikhalaš ovdanbuktimá** ulbmilin lea addit mánáide musikhalaš vásáhusaid ja nannet mánáid beroštumi ja gaskavuođa musihkkii. Bargit oahpistit mánáid eallámušlaš guldaleapmái ja jietnabirrasa áiccadeapmái. Mánáid válmmašvođat hámuhit sihke musikhka ja jiena bistima, dásí, čuodjanivnni ja fámu ovdánit stoagoslágán musikhalaš doaimma bokte. Mánát lávlot, diktejit, iskkadit iešguðetlágán čuojanasaid, guldalit musikhka ja lihkadit ovttas bargiiguin. Mánát ožot vásáhusaid vuodđoritmmas, sátneritmmain ja goruda čuojaheamis. Bargit roahkasmahttet mánáid geavahit miellagovahusa ja ovdanbuktít jurdagiid ja dovdduid, maid musikhka bohciidahtta, ovdamearkka dihte muitaleami, govalaš ovdanbuktimá dahje dánsuma bokte. Mánát maiddái ráhkadit musikhka ovttas, hárjehallet oanehis musikhkaovdanbuktimiid ja vásihit lihkostuvvama ilu ovdanbuktindilálašvuodain.

Govalaš ovdanbuktimá ulbmilin lea ovddidit mánáid gaskavuođa govavadáidagii, eará visuála kultuvrii ja kulturárbái. Mánán lea vejolašvuhta návddašit goavid ráhkadeamis ja oažžut estehtalaš eallámušaid ja vásáhusaid dáidagiin. Mánát hárjehallet iežaset govalaš jurddašeami, áiccadeami ja goavid dulkoma mánggabeealat govvaovdanbuktimiin. Gova ráhkadandáiddut ovddiduvvojít mánga áiccu geavaheami bokte nu ahte dain lea oktavuohta eará ovdanbuktinhámiide. Málema, sárguma, huksema ja mediaovdanbuktimiid bokte mánát geahččalit iešguðetlágán gova ráhkadeami vugiid, biergasiid ja materiálaid. Mánát geahčadit goavid, dáiddabargguid, mediasisdoaluid, diŋgaid ja huksejuvvon birrasiid ja luondu birrasiid, maid sii ieža leat ráhkadan. Bargit oahpistit mánáid dulkot ja muitalit iežaset jurdagiid govalaš ságaid birra. Goavid geahčadettiin mánát giddejít fuomášumi ovdamearkka dihte ivnniide, hámíide, materiálaide, gova ráhkadeaddjái, ovdanbuktinoktavuhtii ja dovdduide, maid govat bohciidahttet.

Mánát hárjehallet plánema, hutkás čuolmmaid čoavdima, ráhkadusaid, materiálaid ja teknihkaid dovdamuša iešguðetlágán duddjonvugiiguin dego hábmemiin, huksemiin, goarrumiin ja duddjodaddamiin. Duddjostallama ja ovdanbuktimá ulbmilin lea fállat mánáide duddjoma, vásuheami ja fuobmáma ilu ja návddašeami barggus, mas sin iežaset kreatiivavuohta ja giehtadáiddut oidnojít. Mánán lea vejolašvuhta iskkadit, dutkat ja ovttastit iešguðetlágán dipma ja garra materiálaid ja oahpahallat barggus dárbašlaš teknihkaid. Mánát ožot ideaid ja ráhkadit iešguðetlágán dujiid ja biergasiid. Doaimmas lea vejolaš guorahallat ja atnit ávkin sihke mánáid duogážiidda laktáseaddji ja guovllu duodjeárbevieruid.

Bargit roahkasmahttet mánáid **sánalaš ja gorutlaš ovdanbuktimii** ovdamearkka dihte drámá, dánsuma ja stoahkama iešguðetlágán vugiiguin. Ulbmilin lea ahte hárjehusat ja stohkosat fállét mánáide vejolašvuodai mánggabeealat gielalaš ja gorutlaš vásuheapmái, ovdanbuktimii ja gulahallamii.

Áššit, mat badjánit mánáid iežaset miellagovahusas dahje maid sii leat vásihan ja fuomášan, gieðhallojít ovttas. Mánát ožot vásáhusaid sihke spontána ovdanbuktimis ja oktasaččat plánejuvvon, ollašuhtton ja árvoštallon kreatiiva proseassas. Doaibma atná mánjgabéalagít ávkin ovdamearkka dihte mánáidgirjjálašvuoda, sátnedáidaga, teáhtera iešguðetlágán hámíid, dánsuma ja sirkusa.

Mun ja min searvvuš

Mánáid eallinbiras viidána go sii álggahit árrabajásgeassima ruovttu olggobéalde. Ruovttu árbvieruid, doaibmanvugiid, árvvuid ja eallinoainnuid lassin mánát oidnet nuppelágán jurddašan-ja doaibmanvugiid. Árrabajásgeassima ulbmilin lea ovddidit mánáid válmmašvuodaaid áddet lagasbirrasa mánjgahámatvuoda ja hárjehallat dan siste doaibmama. Barggu lahkonit sihke **ehtalaš jurddašeami, eallinoainnuid, lagasservoša, mannanáiggi, dálááiggi ja boahtteáiggi ja media** geahčanguovlluin. Doaibma sáhttá atnit ávkin máidnasiid, musihka, govavadáidaga, stoahkama, drámá, iešguðetlágán mediasisdoaluid, gussiid ja lagasbirrasa dáhpáhusaid. Mun ja min searvvuš-oahppama viiodat doarju erenomážit mánáid kultuvrralaš máhtimii, vuorrováikuheapmái, ovdanbuktimii, jurddašeapmái ja oahppamii laktáseaddji viiddes máhtima (lohku 2.7).

Mánáid **ehtalaš jurddašeami** dáiddut ovdánit, go sii guorahallet iešguðetlágán dilálašvuodain badjáneaddji ehtalaš jearaldagaid dahje maid sii muđui hálíidit suokkardallat. Temát sáhttet laktásit ovdamearkka dihte ustitvuhtii, vuoiggalašvuoda ja eahpevuóiggalašvuoda earuheapmái, vuoiggalašvuhtii dahje balu, morraša ja ilu fáttáide. Ehtalaš jearaldagat gieðhallojít mánáiguin nu ahte sii dovdet dorvvolášvuoda ja dohkkeheami. Mánát suokkardallet maiddái joavkku njuolggadusaid ja daid vuodušusaid ovttas bargiguin.

Árrabajásgeassima **eallinoaidnubajásgeassimis** mánát oahpásmuvvet oskkoldagaide ja eará eallinoainnuide. Oskumeahttunvuhta gieðhallo seammá láhkái go eará eallinoainnut. Ulbmilin lea ovddidit sierra eallinoainnuid gudnejahtima ja áddema ja doarjut mánáid kultuvrralaš ja eallinoidnui laktáseaddji identitehtaid ovdáneami. Mánát oahpásmuvvet iešguðetlágán eallinoainnuide ja daidda laktáseaddji árbvieruide. Lunddolaš vuogit oahpásmuvvat eallinoainnuide leat ovdamearkka dihte jahkodatgerdui laktáseaddji feasttat, dáhpáhusat ja beaivválaš dilálašvuodat, dego gárvodeapmi dahje boradeapmi. Mánain lea áigi imaštallat ja guorahallat eallima jearaldagaid, mat leat sin miela alde.

Ovttasbargu fuolaheaddjiiguin lea oassi eallinoaidnubajásgeassima. Bearrašiid duogážat, eallinoainnut ja árvvut váldojuvvojít vuhtii ja gudnejahttojuvvoyit. Eallinoaidnubajásgeassim doarju mánáid kultuvrralaš máhtimii, vuorrováikuheapmái, ovdanbuktimii, jurddašeapmái ja oahppamii laktáseaddji viiddes máhtima (gč. lohku 2.7).

Lagasbirrasa mannanáiggi, dálááiggi ja boahtteáiggi guorahallan stívre mánáid beroštumi historjjálaš áššiide ja buori boahtteáiggi huksemii. Dan lassin mánát guorahallet iežaset šaddanbirrasa mánjgabéalatvuoda.

Mánáide duddjojuvvojít vejolašvuodat beassat sisa mannanáiggi dáhpáhusaide ja dilálašvuodaide. Dehálaš diehtogáldut leat mánát ja sin persovnnalaš historjá, lagasbirrasa lahtut, dínggat ja birrasat ja maiddái mánáid fuolaheaddjiid áššedovdámuš kulturárbis. Mánát sáhttet oahpásmuvvat mannanáigái maiddái ovdamearkka dihte iežaset áhkuid ja ádjáid mánnávuoda stohkosiid ja musihka bokte.

Mánát oahpásmuvvet dálááigái sin beroštahti ja áigeguovdilis áššiid bokte. Sii oahpahallet dárkkodit ja gudnejahttit lagasbirrasa. Sii dárkkodit earret eará olbmuid, sohkabeliid ja bearrašiid

mánggahámatvuhta. Ulbmilin lea bajásgeassit mánáid áddet, ahte olbmot leat earálágánat, muhto ovttárvosaččat.

Mannanáiggi ja dáláiggi lassin lea dehálaš guorahallat boahtteáiggi ja dan, mo mii sáhttít váikkuhit oiddolaš boahtteáiggi ollašuvvamii. Boahtteáiggi guorahallan sáhttá laktásit ovdamearkka dihte čuovvovaš jagiáiggi stohkosiid ja iežas oahppanbirrasa plánemii. Mánát sáhttet ovdamearkka dihte hukset boahtteáiggi miellagovahusmáilmuiid dahje guorahallat boahttevuoda sin geasuheaddji ámmáhiid bokte.

Árrabajásgeassimis **mediabajásgeassima** ulbmilin lea doarjut máná vejolašvuoda doaibmat aktiivvalaččat ja ovdanbuktit iežas iežas servošis. Mánát oahpásmuvvet iešguđetlágán mediaide ja iskkadit mediabuvttadeami dorvvolä birrasiin. Mánát guorahallet iežaset eallima mediasisdoalu ja dan duođalašvuoda ovttas bargiiguin. Seammás sii hárjehallet ovdáneaddji gáldo- ja mediakritihkalašvuoda. Bargit oahpistit mánáid geavahit media vásstolaččat nu ahte mánát vuhtiiváldet iežaset ja earáid buresbirgejumi. Mánát sáhttet gieđahallat media temáid ovdamearkka dihte lihkadanstohkosiid, sárguma dahje drámá bokte.

Dutkan ja doaimman iežan birrasis

Árrabajásgeassima bargun lea ráhkkanahattit mánáid áiccadir, lađastallat ja áddet iežaset birrasa. Mánát ohppet dutkat ja doaibmat luonddus ja huksejuvvon birrasis. Árrabajásgeassim doarju mánáid **matemáhtalaš jurddašeami** ovdáneami ja maiddái nanne positiiva miellagova matematikas. Árrabajásgeassim sistisdoallá maiddái **birasbjajásgeassima** ja **teknologijabajásgeassima**. Oahppanbirrasii laktáseaddji persovnnalaš fuomášumit, vásáhusat ja eallámušat veahkehit máná áddet sivva- ja čuovvumušgaskavuođaid ja maid ovdánit jurddašeaddjin ja oahppin. Mánáid ovdáneaddji dáidu namahit áššiid ja geavahit iešguđetlágán doahpagiid ovddida mánggalohkandáiddu.

Árrabajásgeassima ulbmilin lea fállat mánáide fuobmáma ja oahppama ilu **matemáhtalaš jurddašeami** iešguđet muttus. Mánát oahpásmuvvet matematikhkii ja dan viidodagaide sihke geahčadeami ja stoaguslágán doaimmaid bokte. Mánát ohppet giddet fuomášumi matematikhkii beaivválaš dilálašvuodain ja birrasiin. Bargit movttiidahttet mánáid guorahallat ja govvidit iežaset matemáhtalaš fuomášumiid. Mánát ovdanbuktet ja dutket fuomášumiid ovdamearkka dihte gorutlažčat iešguđetlágán gaskaomiid ja goavid bokte. Mánát ožzot vejolašvuodaid klassifiseret, veardádallat ja ordnet áššiid ja diinggaid ja gávdnat ja buvttadit njuolggadusvuloš áššiid. Mánát ohppet maiddái gávdnat, guorahallat, árvvoštallat ja čoavdit oahppanbirrasii laktáseaddji čuolmmaid.

Mánggabealat vuorrováikkuhusdilálašvuodat, stohkosat ja mánáid beroštahtti materiálat dorjot lohkan-doahpaga ovdáneami. Bargit movttiidahttet mánáid ohcat lohkomeriid birrasis ja dáidduid lassánettii laktit daid lohkosátnai ja nummirmearkkaide iežaset dáidduid mielde. Lohkoráido- ja namahandáiddut ovdánit ovdamearkka dihte divttaid ja loahppašuonjaid hárjehallamiin. Mánát iskkadit mihtideami ja hárjehallet sajádat- ja gaskavuođadoahpagiid ovdamearkka dihte lihkadanstohkosiiguin, sárgumiin dahje iešguđetlágán gaskaomiiguin.

Iešguđetlágán hárjehusat veahkehit mánáid hábmet dili ja dási. Mánát dutket stuhkaid ja hámiid ja duhkoraddet daiguin. Mánáide lágiduvvojit vejolašvuodat hukset, buđaldit ja hábmet, vai sin geometralaš jurddašeapmi ovdána. Jándora ja jagiáiggiid áiccadeapmi raphael mánáide áigi-doahpaga.

Birasbajásgeassima ulbmilin lea nannet mánáid luonddugaskavuođa ja vásstolaš doaibmama birrasis ja oahpistit sin bistevaš eallinvuohkái. Birasbajásgeassin sistisdoallá golbma iešguđet aspeavta: oahppan birrasa siste, oahppan birrasis ja birrasa bealis doaibman. Lagasuondu ja huksejuvvon biras leat sihke oahppama čuozáhagat ja oahppanbirrasat.

Luonddus ja huksejuvvon birrasis vánnddardeapmi ja birrasa dutkan leat dehálaš oassi árrabajásgeassima. Positiiva vásáhusa bokte mánna oahppá návddašit luonddus ja lagasbirrasis ja su birasoktavuohta gievru. Mánát áiccadir luonddu fenomenaid iešguđet áiccu ja jagiággi mielde. Sii maid ságastallet daid birra ja dutket daid. Seammás mánát ohppet geavahit lundai laktáseaddji doahpagiid. iešguđetlágán šattuid ja elliid dovdáma hárjehallan nanne luonddu dovdamuša. Mánát oahpahallet ohcat dieđu sin beroštahti áššiin. Luondu sáhttá leat maiddái estehtalaš vásíheami ja ráfoma báiki.

Mánát oahpistuvvojit gudnejahttit luonddu, dan šattuid ja elliid. Birasbajásgeassin veahkeha mánáid bajásaddat bistevaš eallinvuohkái ja hárjehallat dasa laktáseaddji dárbbashaša dáidduid. Dákkár dáiddut leat ovdamearkka dihte ruskkatkeahtes vánnddardeapmi, govtolašvuoda ja seastevašvuoda hárjehallan, boradeapmái laktáseaddji vásttolašvuhta, energija seastin ja bázahusaid geahpideapmi ovdamearkka dihte dávviriid divvuma ja ođđasit geavaheami bokte. Seammás mánát ohppet giddet fuomášumi iežaset daguid váikkuhusaide.

Teknologijabajásgeassima ulbmilin lea movttiidahttit mánáid oahpásmuvvat dutki ja iskkadeaddji bargovuohkái. Mánát ohppet maiddái áiccadir birrasa teknologija ja hutkat iežaset kreatiiva čovdosiid. Bargit roahkasmahttet mánáid jearrat, ohcat jearaldagaide ovttas vástádusaid ja árvvoštallat daid.

Mánát oahpásmuvvet árgga teknihkalaš čovdosiidda ja diehtoteknologalaš rusttegiidda ja daid doaibmamii. Erenomáš fuomášupmi giddejuvvo mašiinaid ja rusttegiid dorvvolaaš geavaheapmái. Mánát ožot vejolašvuoda ollašuhttit iežaset ideaid ovdamearkka dihte nu ahte iskkadallet sihke iešguđetlágán materiálaid ja rusttegiid. Bargit movttiidahttet mánáid govvidit iežaset čovdosiid. Váttisvuodat čovdojat ja lihkostuvvamat ávvuduvvojit ovttas. Ulbmilin lea, ahte mánáid persovnnalaš vásáhusat boktet áddejumi das ahte teknologija lea olbmo doaimmaid áigáibođus. Doaibma sáhttá atnit ávkin lagasbirrasa teknologalaš čovdosiid, ovdamearkka dihte duhkorasaid, ja dutkat daid doaibmanprinsihpaid.

Bajásšattan, lihkadan ja ovdánan

Bajásšattan, lihkadan ja ovdánan -oahppama viidodat sistisdoallá **lihkadeapmái, biebmobajásgeassimii, dearvvašvuhtii ja dorvvolashvuhtii** laktáseaddji mihttomeriid. Árrabajásgeassima bargun lea ovttas fuolaheaddjiiguin hukset vuodu eallinvuohkái, mii atná árvvus dearvvašvuoda ja buresbirgejumi ja ovddida fysalaš aktiivvalašvuoda. Dát oahppama viidodat doarju erenomážit alddis fuolaheapmái ja árggadáidduide laktáseaddji viiddes máhttima.

Árrabajásgeassima ulbmilin lea movttiidahttit mánáid **lihkadir** mánggabealagit ja vásihit lihkadeami ilu. Mánát lihkadir ja stohket olgun miehtá jagi. Bargit fuolahit das, ahte bagadallon lihkadeami lassin mánain leat doarvái vejolašvuodat beaivválaš ieševttolaš lihkadeapmái sihke siste ja olgun. Lihkadanbabajásgeassin galgá leat jeavddalaš, mánggabealat ja ulbmildilolaš ja dan vuolggasadjin galget leat máná dárbbut. Doarvái buorre fysalaš aktiivvalašvuhta lea dehálaš oassi máná dearvvaš šaddama, ovdáneami, oahppama ja buresbirgejumi. Fysalaš aktiivvalašvuhta mearkkaša iešguđetlágán ja sierradássasaš lihkadanvugiid, dego stoahkama siste ja olgun, vánnddardeami ja bagadallon lihkadanbottuid. Joavkolihkadeapmi ovddida mánáid sosiála dáidduid, dego

vuorrováikkuhus- ja ieštivrendáidduid. Fysalaš aktiivvalašvuhta galgá leat mánáid beavvi lunddolaš oassi. Bargit ja fuolaheaddjit ovttas movttiidahttet mánáid lihkadir maiddái asttuáiggis iešguđetlágán báikkiin ja olgun iešguđetlágán birrasiin.

Árrabajásgeassima ulbmilin lea ovddidit mánáid gorutdovdámuša ja -hálldašeami ja motoralaš vuodđodáidduid dego dássedeaddu, lihkadeami ja biergasii gieđahallama. Lihkadeamis adnojít ávkin sierra áicut ja iešguđetlágán materálain ráhkaduvvon, lihkadeapmái movttiidahtti biergasat. Mánáid lihkadanbottu guhkkodat, intensitehta ja johtilvuhta galgá molsašuddat lunddolačcat. Mánát galget oažžut vásáhusaid okto, báraid mielde ja joavkkus lihkadeamis. Árrabajásgeassimis mánát vásihit iešguđetlágán lihkadanstohkosiid dego árbevirolaš šilljostohkosiid ja máinnas- dahje musihkkalihkadeami. Mánain lea vejolašvuhta oahpahallat iešguđet jagiágái mihtilmas vugiid lihkadir olgun.

Jeavddalaš ja bagadallon lihkadeamis lea stuorra mearkkašupmi mánáid oppalaš ovdáneapmái ja motoralaš oahppamii. Dán dihte mánáid motoralaš dáidduid plánejuvvon čuovvun lea dehálaš. Bargit galget plánet beavvi ráhkadusa, sis- ja olgobirrasa ja doaimma sisdoalu nu ahte mánát sáhttet návddašit mánggabealat lihkadeamis iešguđetlágán dilálašvuodain. Lihkadanbiergasat galget leat mánáid geavahusas maiddái ieševttolaš lihkadeami ja stoahkama áigge. Árrabajásgeassimis válđojuvvo vuhtii lihkadanbiergasii dorvvolašvuhta.

Borramušbajásgeassima ulbmilin lea ovddidit positiiva miellagovaid biepmus ja boradeamis ja doarjut mánggabealat ja dearvvašlaš borranvieruid. Mánát ohppet borrat doaimmalačcat, mánggabealagit ja doarvái. Hoahpohis boradanbottut oahpahit mánáide boradanráfi, čábbát láhttema ja ovttas boradeami kultuvrra. Mánát atnet ávkin mánga áiccú ja dutkama go oahpásmuvvet borramuša álgovuol gagii, bajloidnui, čoahkkádussii ja smáhkii. Biebmu birra ságastallan, muitalusat ja lávlagat oahpahit mánáide bibmui laktáseaddji sániid.

Árrabajásgeassimis mánát suokkardit **dearvvašvuhtii ja dorvvolašvuhtii** laktáseaddji áššiid. Mánát ožžot válmmašvuodaid fuolahit iežaset dearvvašvuðas ja persovnnalaš hygienas. Bargit ságastallet mánáiguin lihkadeami, vuoinjasteami ja buriid olmmošgaskavuođaid váikkuhusain buresbirgejupmái ja dearvvašvuhtii. Mánát oahpahallet dorvvolašvuhtii laktáseaddji áššiid beaivválaš dilálašvuodain. Dákkárat sáhttet leat earret eará gárvodan-, boradan- ja stoahkandilálašvuodat ja olgun lihkadeapmi. Árrabajásgeassimis mánát hárjehallet lagasjohtolagas lihkadeami ja dorvvolaš lihkadeapmái laktáseaddji njuolggadusaid ja vugiid. Ulbmilin lea doarjut mánáid dorvvolašvuoda dovddu, addit sidjiide válmmašvuodaid jearrat ja ohcat veahki ja doaibmat dorvvolačcat iešguđetlágán dilálašvuodain ja birrasiin.

4.6 Gillii ja kultuvrii gullevaš dárkilut aspeavttat

Árrabajásgeassinplána vuodušusain gielalaš ja kultuvrralaš bealit gusket buot árrabajásgeassimii oassálasti mánáid. Mánáid molsašuddi gielalaš ja kultuvrralaš duogážat ja válmmašvuodat riggodahttet giela positiivvalačcat. Giella- ja kulturdiđolaš árrabajásgeassimis gielat, kultuvrrat ja eallinoainnut čatnasit árrabajásgeassinollisvuhti.

Árrabajásgeassinlága mielde gielda galgá fuolahit das, ahte árrabajásgeassin lágiduvvo máná eatnigillii, suoma-, ruota- dahje sámegillii⁶⁹. Árrabajásgeassin sáhttá lágiduvvot maiddái eará gillii

69 Árrabajásgeassinláhka 11 § 2 mom.

jos dat ii riskere árrabajásgeassinplána vuodoštusain ásahuvvon mihtomeriid ollašuvvama. Dalle galgá fuolahit maiddái mánáid eatnigiela, suoma- dahje ruotagiela dáiddu ovdáneamis. Bargiid, fuolaheaddjiid ja iešguđet kulturservoša gaskasaš ovttasbargguin ovddidit mánáid ja bearrašiid kulturárbevieru joatkašuvvama ja doarjut mánáid vejolašvuoda ovdanbuktit iežaset kulturduogážiid. Guovtte- ja máŋggagielat birrasat roahkasmahttet mánáid vuorrováikkuheapmái.

Árrabajásgeassimii oassálastet mánát, geat hállet eatnigiellan sihke **ruota-** ja **suomagiela**. Dáid guovttagielat mánáid gielalaš identitehta ovdána, go guktot gielat ožot doarjaga ja mánáid arvvošmahttet geavahit daid.

Sápmelaš árrabajásgeassima erenomáš mihttomearrin lea nannet mánáid sápmelaš identitehta ja diđolašvuoda iežaset kultuvras ja addit mánáide vejolašvuoda oahppat sápmelaš árbedieđu ja -dáidduid. Sápmelaččat leat eamiálbmot, man vuogatvuodas iežas gillii ja kultuvrii lea mearriduvvon vuodđolágas⁷⁰. Doaibma atná ávkin lagasbirrasa ja ovttasbarggu fuolaheaddjiiguin ja sámeservošiin. Dalle go árrabajásgeassin lágiduvvo mainna nu golbma sámegielas, dan erenomáš mihttomearrin lea nannet sámegiela ovdáneami, áddema ja geavaheami. Ulbmilin lea lasihit mánáid válmmašvuodaaid doaibmat sámegielat berrasis, oahppat sámegiela sámegillii. Bargit nannejit sámegiela ja kulturárbbi seailuma ovttas vánhemiiuguin.

Románamánáid árrabajásgeassima erenomáš mihttomearrin lea nannet mánáid positiiva identitehtaáddejumi ja diđolašvuoda iežaset historjjás ja kultuvras ja lasihit mánáid oasálašvuoda servodagas. Dan lassin árrabajásgeassin doarju mánáid gielalaš ovdáneami ovttasbarggus mánáid fuolaheaddjiiguin ja románaservošiin. Mánáide lágiduvvojtit vejolašvuodaaid mielde vejolašvuodat geavahit ja oahppat románagiela. Bargit nannejit románagiela ja kulturárbbi seailuma ovttasbarggus fuolaheaddjiiguin.

Seavagliat mánáid árrabajásgeassima sáhttá ollašuhttit seavagliat joavkkus dahje joavkkus, mas mánát geavahit sihke seavagliela ja hállojuvvon giela. Seavagliella sáhttá leat máná eatnigiella, vuosttaš giella dahje nubbi giella. Seavagliat mánáin sáhttá leat sáhttet leat bealjeheamit dahje sis sáhttá leat heajos dahje normála gullu. Seavagliat árrabajásgeassima ulbmilin lea ovttasbarggus mánáid fuolaheaddjiiguin doarjut ja nannet mánáid giella- ja kulturidentitehta nu ahte mánáit ožot vejolašvuoda oahppat ja geavahit suopmelaš dahje suomaruottelaš seavagliela. Ulbmilin lea maiddái lasihit mánáid válmmašvuodaaid doaibmat iešguđetlágán giellabirrasa ja nannet mánáid suopmelaš dahje suomaruottelaš seavagliat ovdanbuktima ja seavvinsátneráju.

Árrabajásgeassin doarju máŋggabealagit **vierisgielat** ja **máŋggagielat** mánáid gielladáiddu ja giella- ja kulturidentitehtaid ja iešdovddu ovdáneami. Suoma- ja ruotagiela dáidu ovddiduvvo ulbmildiđolaččat gielladáiddu iešguđet muttus mánáid dárbbuid ja vejolašvuodaaid mielde. Máŋggabealat vuorrováikkuhusdilálašvuodat ja oahppanbirrasat fállit mánáide vejolašvuodaaid oahppat ja geavahit suoma- dahje ruotagiela nubbin giellan. Suoma- dahje ruotagiela oahppama vuolggasadjin lea árgaeallima konkrehta giella ja dan ovdanbuktinválmmašvuohtha. Giela ádden- ja buvttadandáidduid ovdáneapmi čatnasit oktii. Mánná oažžu válmmašvuodaaid fuomášumiid dahkamii ja iežas jurdagiid, dovdduid ja oaiviliid ovdanbuktimii dilálašvuhti ja sutnje heivvolaš vuogi mielde. Oassi mánáin oahpásmuvvá suopmelaš kultuvrii ja suoma- dahje ruotagillii easka árrabajásgeassimis. Árrabajásgeassin doarju máná ásaiduvvama suopmelaš servodahkii. Fuolaheaddjít ožot dieđu suopmelaš árrabajásgeassima mihtomeriin, sisdoaluin ja vuogádagain. Bargit ja fuolaheaddjít ságastallet bearraša giellabirras, giellaválljejumiin, máŋggagielat- ja kultuvralaš identitehtaid hápmášuvvamis ja eatnigiela dahje -gielaid ovdáneami muttuin ja mearkkašumis.

70 Suoma vuodđoláhka 17 § 3 mom.

Mánáide lágiduvvojit vejolašvuodaid mielde dilálašvuodat oahppat ja geavahit iežaset eatnigiela dahje eatnigielaid. Iežas eatnigiela ja suoma- dahje ruotagiela oahppan nubbin giellan hukse vuodu mánáid doaibmi guovtte- ja máŋggagielatvuhtii. Ovddasvástádus máná iežas eatnigiela dahje eatnigielaid ja kultuvrra sealumis ja ovdáneamis lea ovdasajis bearrašis. Bargiid ja fuolaheaddjiid gaskasaš ságastallamiin lea dárbbu mielde dulka sihkkarastimin guovttebealat áddejumi.

Guovttagielat árrabajásgeassín

Guovttagielat árrabajásgeassima lágideapmi vuodđuduuvvá giellda dahje priváhta doaibmi mearrädussii. Guovttagielat árrabajásgeassima ulbmilin lea atnit ávkin mánáid árradis giela oahppama hearkkesáigidaga nu ahte mánát ožot erenomáš máŋggabealat giellabajásgeassima. Mánát ožot dilálašvuodaid oahppat ja geavahit gielaid doaimmalaččat ja leaikkalaččat. Seammás huksejuvvo vuodđu eallinagi gielaid oahppamii. Ulbmilin lea, ahte máŋggagielat biras boktá mánáid gielalaš sáhkkiivuođa ja hálú iskkadit. Ná lágiduvvon árrabajásgeassimis iešguđetlágán kultuvrraid deaivvadeapmi lea lunndolaš.

Guovttagielat árrabajásgeassin juohkašuvvá viiddit ja gáržit árrabajásgeassimii. Gáržit guovttagielat árrabajásgeassima ulbmilin lea boktit mánáid beroštumi ja positiiva doaladumi gielaid ektui. Viiddes guovttagielat árrabajásgeassima ulbmilin lea addit mánáide válmmašvuodaid doaibmat guovtte- dahje máŋggagielat birrasis.

VIIDDES GUOVTTAGIELAT ÁRRABAJÁSGEASSIN

Ruovttueatnangielaid árradis dievaslaš giellalávgun árrabajásgeassimis

Ruotagielaat giellalávguma sáhttá lágidit suomagielat árrabajásgeassimis ja suomagielat giellalávguma ruotagielaat árrabajásgeassimis. Dan lassin sihke suoma- ja ruotagielaat árrabajásgeassimis sáhttá lágidit sámegielat giellalávguma. Ruovttueatnangielaid árradis dievaslaš giellalávgun lea pragramma, mii bistá árrabajásgeassima álggus vuodđooahpahusa lohppii. Árrabajásgeassima giella, ovdaohpahusa ja skuvlla oahpusgiella ja nubbi ruovttueatnangiella dahje sámegiella hábmejít ollisvuoda. Árrabajásgeassima váldogiellan lea giellalávgungiella. Mánáid eatnigiela dahje eatnigielaid ovdáneami dorjot ovttas ruovttuiguin ja fuolaheaddjiiguin. Doaimma ulbmilin lea, ahte bargit geavahit jearggalaččat dušše ovttä gielä: giellalávgungiella dahje árrabajásgeassingiella. Bargit movttiidahttet mánáid geavahit giellalávgungiella, muhto mánáin galgá leat vejolašvuohta gulahallat maiddái iežaset eatnigielain. Ulbmilin lea, ahte mánát ožot válmmašvuodaid sirdašuvvat ovdaohpahussii, mii lágiduvvo giellalávgumin ja dan maŋjá vuodđooahpahussii.

Eará viiddes guovttagielat árrabajásgeassin

Eará viiddes guovttagielat árrabajásgeassimis oassi doaimmas (unnimustá 25 %) ollašuhitto man nu eará gillii go árrabajásgeassinnágas mearriduvvon árrabajásgeassingillii. Muhtin mánát sáhttet hállat gielä iežaset eatnigiellan. Doaibma plánejuvvo nu ahte sierra giellajoavkkut ožot doarvái doarjaga gielaset ovdideapmái. Joavkuin sáhttet leat maiddái mánát, geaidda árrabajásgeassimis geavahuvvon gielain ii goabbáge leat sin eatnigiella. Árrabajásgeassima lágideaddji guorahallá iešguđet máná fuolaheaddjiin, doarjugo dákkár ordnedeaapmi máná ovdáneami.

Guovttagielat árrabajásgeassin plánejuvvo nu ahte guovtti gillii lágiduvvon árrabajásgeassin hápmašuvvá ollisvuohtan, mas guktot gielat vuhttojat ja ovdánit veházid mielde bargiid málle ja mánáid aktiivvalaš doaimma bokte. Juos vejolaš, bargit geavahit dušše juobbágoabbá gielä aktiivvalaččat. Mánás galgá leat vejolašvuohta gulahallat maiddái iežas eatnigillii, suoma- dahje

ruotagillii. Bargit movttiidahttet mánáid geavahit guktuid gielaid. Ulbmilin lea, ahte mánát ožot válmmašvuoda sirdašuvvat juogo guovttagielat dahje suoma- dahje ruotagielat ovda- ja vuodđooahpahussii.

GÁRŽIT GUOVTTAGIELAT ÁRRABAJÁSGEASSIN

Gielladoarjaluvvon árrabajásgeassín

Gielladoarjaluvvon árrabajásgeassín oaivvilda árrabajásgeassima, mas vuollái 25 % doaimmas lágiduvvo jeavddalačcat ja plánavuložit man nu eará go árrabajásgeassinlágas meroštallon árrabajásgeassingillii. Ulbmilin lea gielaid oahppama doarjun, mánáid motiveren ja giellaválljejumiid riggudeapmi. Dan lassin ulbmilin sáhttá leat sirdašuvvan gielladoarjaluvvon dahje eará guovttagielat ovda- ja vuodđooahpahussii dahje eará árradis gielaid oahpahussii.

GIELLABEASSI

Giellabeassedoaibma mearkkaša árrabajásgeassimis doaimma, mii nanne mánáid dieđuid iežaset kultuvras, ja mii fállá vejolašvuoda oahppat bearrašis dahje sogas hállojuvvon áitatvuloš unnitlogugielä dahje eamiálbmotgiela. Giellabeassedoaaimma prinsihpat sáhttet muittuhit giellalávguma.

4.7 Báikkálaččat mearridanvuloš ášshit

Báikkálaš árrabajásgeassinplána dárkkálnuhttá čuovvovaš pedagogalaš doaimma mihtomeriid ja prinsihpaid nu ahte dat váldá vuhtií mánáid agi, ovdáneami ja sierra doaibmanvugiid iešvuodđaid.

Báikkálaš árrabajásgeassinplána govvida ja dárkkálnuhttá

- pedagogalaš doaimma plánema ja ollašuhtima prinsihpaid ja čuovvuma ja árvvoštallama geavadagaid
- árrabajásgeassima pedagogalaš dokumenterema prinsihpaid ja geavadagaid
- mánjggabealat bargovugiid válljema ja geavaheami prinsihpaid
- geavadagaid, mat dorjot mánáid stoahkama
- oahppama viidodagaid mihtomeriid ja sisdoaluid
- máná beroštumiid ja oasálašvuoda vuhtiiváldima pedagogalaš doaimma plánemis ja ollašuhttimis
- iešguđet giella- ja kulturjoavkku árrabajásgeassima ollašuhtima
- guovttagielat árrabajásgeassima ollašuhtima
- vieris- ja mánjggagielat mánáid suoma- dahje ruotagielä oahppama doarjaga
- bearraša giellaválljejumiide ja eatnigiela doarjumii laktáseaddji ovttasbarggu ja geavadagaid.

5. MÁNÁ OVDÁNEAMI JA OAHPAMA DOARJJA

Árrabajásgeassin doarju mánáid ovdáneami ja oahppama máná dárbbuid mielde. Mánnái lea dehálaš, ahte doarjja joatkašuvvá jeargalaččat árrabajásgeassimis gitta ovdaohpahussii.

5.1 Doarjaga lágideami guovddáš prinsihpat

Ovdáneami ja oahppama doarjja lea oassi alladását árrabajásgeassima ja gullá buot dan dárbbaseaddji mánáide. Árrabajásgeassimis máná doarjaga dárbbut fuomášuvvojit ja dárbbu mielde sutnje lágiduvvo heivvolas doarjja⁷¹. Doarvái árradis ja rivttes doarjja sáhttá ovddidit máná ovdáneami, oahppama ja buresbirgejumi. Seammás lea vejolaš eastadir máná váttisvuodaid riegádeami, stuorruma ja viidáneami. Árrabajásgeassin ollašuhtto inkluusioprinsihpaid mielde.

Doarjaga lágideami vuolggasadjin leat máná gievrvuođat ja oahppamii ja ovdáneapmái laktáseaddji dárbbut. Ovdáneami ja oahppama doarjja hápmašuvvá máná individuála dárbbuide vástideamis ja searvvušlaš ja oahppanbirrasiidda laktáseaddji čovdosiin. Árrabajásgeassin fuolaha das, ahte buot mánát vásihit dohkkeheami ja jokvui gullevašvuoda. Máná movttiidahttin ja lihkostuvvama vásáhusat dorjot máná positiiva mungova ovdáneami.

Máná doarjaga dárbbu fuomášeapmi ja doarjaga plánen ja ollašuhttin gáibidit mánáid, fuolaheaddjiid, mánáidgárdeoahpaheaddjiid, sierramánáidgárdeoahpaheaddjiid ja árrabajásgeassima eará bargiid gaskasaš ovttasbarggu. Doarjaga dárbbu fuomášeapmi ja doarjaga addin gullet buot bargiide sin skuvlejumi, bargguid ja ovddasvástádusaid mielde. Sosiála- ja dearvvašvuodafuolahusa bargit oassálastet dárbbu mielde máná doarjaga plánemii ja árvvoštallamii.

Beaiveruovttus dahje bearábeaivedivšus máná doarjja čálihuvvo árrabajásgeassinplánii⁷². Dasa čálihuvvojit máná ovdáneapmái ja doarjagii laktáseaddji ovddasvástádusat ja bargojuohku, doarjjadoaimmat ja daid ollašuhtinvuohki ja árvvoštallan.

Máná ovdáneami ja oahppama doarjja lágiduvvo oassin árrabajásgeassima beaivválaš doaimma. Doarjja ollašuhtto ovdasajis iešguđetlágán soddjilis vugiigun máná iežas beaiveruokto-dahje bearábeaivedikšunjoavkkus. Doarjaga lea vejolaš lágidit maiddái oassái dahje ollásit sierrajoavkkus⁷³.

Doarjaga lea vejolaš lágidit maiddái eará árrabajásgeassimis árrabajásgeassima lágideaddji mearrádusa mielde. Doarjaga lágideamis sáhttá geavahit sierramánáidgárdeoahpaheaddji konsulterema⁷⁴. Máná fuolaheaddjiigun sáhttá maiddái soahpat, ahte mánná sirdašuvvá beaiveruktui jeavddalaš árrabajásgeassimii vai oažju dárbašlaš doarjaga.

71 Árrabajásgeassinlákka 2 a § 7. čuokkis

72 Árrabajásgeassinlákka 7 a §

73 Árrabajásgeassinlákka 3 § 2 mom. (698/1982)

74 Árrabajásgeassinlákka 4 a §

5.2 Ovttasbargu mánain, fuolaheaddjiin ja eará áššedovdiiguin doarjaga áigge

Árrabajásgeassin lágiduvvo ovttasbarggus mánain ja fuolaheaddjiiguin nu ahte buot mánát ožtot bajásgeassima, oahpahusa ja divšu iežaset ovdáneami ja dárbbuid mielde⁷⁵. Ovttasbargu fuolaheaddjiiguin lea erenomáš dehálaš dalle, go mánná dárbaša doarjaga. Mánná sáhttá oažut doarjaga maiddái eará mánáid ja bearrašiid guoski bálvalusain, dego mánnarávvehagas, bajásgeassin- ja bearárvvehagas dahje lámisvuodabálvalusain. Lea dehálaš, ahte báikkálaš mánáid ja bearrašiid bálvalusat hábmejit jeargalaš ollisvuoda máná doarjaga lágideamis.

Fuolaheaddjiin ságastallo doarjaga vejolašvuodas ja guovddášprinsihpain ja doarjaga ollašuhtinvugiin. Mánná oassálastá ovttasbargui agis ja čálganmuttus mielde.

Bargit almmuhit fuolaheaddjái dalán, go mánás orrot leame ovdánan- dahje oahppanhástalusat dahje go bargit leat fuolas máná buresbirgejumis. Fuolaheaddjít ožtot dieđu mánnái laktáseaddji áššiid giedahallamis, dieđuid skáhppomis ja daid luohpamis ja suolemässan doallamis⁷⁶. Máná doarjja sáhttá juksat dasa ásahuvvon mihtomerid buoremusat dalle, go buot oassebealit barget ovttas. Árrabajásgeassimis mánná oažu dárbašlaš ovdáneami ja oahppama doarjaga iežas ovdu mielde, vaikko fuolaheaddji ii čatnasivččige ovttasbargui.

Máná ovdu stivre mánggasuorggat ovttasbarggu. Ovttasbargovugiid ja prinsihpaid galgá soahpat mánnarávvehagain, mánáidsuodjalusain, bajásgeassin- ja bearárvvehagain ja eará sosiáladoaimma bálvalusaiguin dakkár dili várás, mas ságastallat máná áššiid birra dahje dárbašit virgeoapmahačaid⁷⁷. Mánggasuorggat ovttasbargu ollašuhtto ovdasajis dainna eavttuin, ahte fuolaheaddji lea addán dasa lobi. Ovttasbargu galgá čuovvut dieđuid addima ja suolemässan doallama njuolgadusaid⁷⁸.

Árrabajásgeassin lágiduvvo maiddái sierrabuohccedivšus. Árrabajásgeassinbálvalusaid ja buohcveisus dahje eará institušuvnna gaskasaš ovttasbargu sihkkarastá árrabajásgeassima bistevašvuodená dili ja veadjima vuodul. Mánáid dorvvolas olmmošgaskavuođaid seailumii giddejuvvo erenomáš fuomášupmi.

Lossadit lámis ja buohcci mánát sáhttet dárbašit guhkiduvvon oahppogeatnegasvuoda⁷⁹. Mearrádus guhkiduvvon oahppogeatnegasvuoda álgaheamis ráhkaduvvo dávjá ovdal oahppogeatnegasvuoda álgima. Máná fuolaheaddji galgá oažut áiggil dieđu guhkiduvvon oahppogeatnegasvuodas. Guhkiduvvon oahppogeatnegasvuhti laktáseaddji mearrádusain ja ollašuhtima molssaeavttuin mearridit Ovdaohpahusa oahppaplána vuoduštusain⁸⁰.

5.3 Doarjaga ollašuhtin árrabajásgeassimis

Árrabajásgeassimii oassálastin lea buorre vuodđu máná ovdáneapmái, oahppamii ja buresbirgejupmái. Pedagogalaš ordnedeamit ja iešguđetlágán bargovuogit eastadit váttisvuodaid.

75 Árrabajásgeassinnláhka 2 a § 1. ja 10. čuokkis

76 Láhka sosiálafuolahusa áššehasa sajádagas ja vuogatvuodain 11, 14–17 §

77 Ráđđehusa evttohus riikkabeivviide láhkan máná beaivedikšumis addojuvvon lága rievdaemis ja sierranas dasa gullevaš láhkan (341/2014) 11 e §, vuoduštusat s. 22–23

78 Láhka sosiálafuolahusa áššehasa sajádagas ja vuogatvuodain 11, 14–17 §

79 Vuodđooahpahusláhka 25 § 2 mom.

80 Ovdaohpahusa oahppaplána vuoduštusat 2014, lohku 5.5 Sierradoarja

Dákkár ordnedeamit ja bargovuogit leat earret eará plánejuvvon doaimma sierranahttin, joavkkuid soddjilis nuppástuhttin ja oahppanbirrasiid hábmen. Čielga beaiveortnet ja beaivválaš doaimmaid ritma dorjot buot mánáid.

Máná doarjaga dárbu sáhttá leat oanehiságasaš ja unnánaš. Dalle sáhttá leat doarvái ovttaskas doarjja dahje vuohki, mainna dillái lea vejolaš váikkuhit jodáneamos lági mielde ja árramuttus. Oassi mánáin dárbaša eanet ja jeavddalaš doarjaga dahje seammaágasačcat máŋgalágán doarjavugiid, mat dievasmahttet nuppit nuppiid.

Árrabajásgeassimis mánná sáhttá oažut máŋgalágán doarjaga. Árrabajásgeassima bargovuogit ja oahppanbirrasat rievdaduvvojit máná individuála dárbbu mielde. Doarjja sáhttá sistisdoallat sihke **pedagogalaš, ráhkaduslaš ja iešguðetlágán buresbirgejumi doarjuma**. **Pedagogalaš ordnedeamit** leat ovdamearkka dihte sierramánáidgárdeoahpaheaddji⁸¹ konsulteren dahje mearreáigásaš doarjja, mánnáguovdilis bagadeapmi, dulkon- ja veahkehanbálvalusat ja erenomáš veahkkeneavvuid ja diehto- ja gulahallanteknologija geavaheapmi. Máná doarjja sáhttá sistisdoallat maiddái seavvagiid ja govaid geavaheami dahje eará giela ja gulahallama doarjaga. **Ráhkaduslaš ordnedeamit** leat earret eará mánnájoavkkuid unnideapmi ja bargiidlokhui dahje ráhkadussii laktáseaddji čovdosat. **Buresbirgejumi dorjot** maiddái ovdamearkka dihte sosiála- ja dearvvašvuodafuolahusa áššedovdiid bagadeapmi ja rávvagat.

Go máná doarjaga dárbbu sivvan lea lámisvuhta, buohcuvuhta, ovdáneami hehttehus dahje sosioemotionála ovdáneapmái laktáseaddji doarjaga dárbu, dárbaša mánná dávjá bistevaš ja individuála doarjaga. Dalle mánás leat hástalusat máŋggain ovdáneami muttuin dahje hui stuorra hástalusat juoga dihto muttus. Máná ovdáneami ja oahppama doarjja veardásášjoavkkus gáibida plánema, erenoamášmáhtu ja vejolačcat iešguðetlágán ordnedemiid ja veahkkeneavvuid. Mánná dárbaša doarjaga joavkkus doaibmamii, doaimmalaš sierranahttimá ja áiggi vuodđodáidduid hárjehallamii. Dalle doarjja sáhttá gábidit bargiid sierrapedagogalaš dahje buohccedivšolaš máhtu nannema dahje máŋgasuorggat ovttasbarggu sosiála- ja dearvvašvuodafuolahusa áššedovdiiguin.

Ovdáneami, oahppama ja buresbirgejumi doarjja gáibida bistevaš áiccadeami, dokumenterema ja máná doarjaga dárbbu ja doaimmaid váikkuhusaid árvvoštallama. Vuostamužžan galgá geahčadit doaibmanvugiid ja oahppanbirrasiid ja daid heivvolašvuða mánáide. Dárkkodeami vuodul árvvoštallo, sáhttágo doaibmanvugiid ja oahppanbirrasiid rievdadeapmi fállat mánáide vuohkkasut pedagogalaš čovdosii. Árvvoštallan ja doarjaga plánen dan vuodul galget vuodđuduvvat doarvái buorre máŋgasuorggat áššedovdámušii.

5.4 Máná árrabajásgeassinplána doarjaga áigge

Máná árrabajásgeassinplánii čálihuvvojit máná doarjja, doarjjadoaimmat ja daid ollašuhttin ja daidda laktáseaddji ovddasvástádusat ja bargojuohku. Árrabajásgeassinplána gárvemis ja árvvoštallamis vástida mánáidgárdeoahpaheaddji ja/dahje sierramánáidgárdeoahpaheaddji ovttasbarggus eará bargiiguin ja máná fuolaheaddjiguin. Fuolaheaddjii ja máná oassálastin plána gárvemii ja árvvoštallamii lea sávahahti. Máná oavil čielggaduvvo ja válđojuvvo vuhtii plána gárvemis ja dan árvvoštallamis. (lohku 1.3)

Doarjaga ollašuvvan árvvoštallo ja plána dárkkistuvvo unnimustá okti jagis. Doarjaga váikkuhusaid galgá árvvoštallat jeavddalačcat ja rievdadit plána dárbbu mielde. Doaimma mihtomeriid

81 Árrabajásgeassinlhákka 4 a §

ollašuvvama galgá čálihit ja mihtomeriid rievdadit nu ahte dat vástidit ođđa dárbbu. Plás galgá oidnot, juos doarjaga dárbu dahje doaimmat leat nohkan. Doarjaga dárbu árvvoštallo álo go mánná álggaha ovdaohpahusa. Ovdaohpahussii oassálasti máná šaddama ja oahppama doarjagis mearriduvvo ovdaohpahusa oahppaplána vuoduštusain.

Go mánná oažju doarjaga iežas ovdáneapmái ja oahppamii, su árrabajásgeassinplánii galgá čálihit logus 1.3 govviduvvon áššiid lassin čuovvovaš áššiid:

Pedagogalaš ja konstruktiva čovdosat

- oahppanbirrasiidda laktáseaddji čovdosat
- bargiidlohkui ja joavkku ráhkadussii laktáseaddji čovdosat
- máná doarjagii laktáseaddji čovdosat, ovdamearkka dihte doaimma sierranahttin, mánáid individuála bagadeapmi, smávvajoavkodoiba dahje seavvagiid ja goavid geavaheapmi
- dulkon- ja veahkehanbálvalusat ja veahkeneavvuid geavaheapmi

Ovttasbargu ja bálvalusat, mat dahket doarjaga vejolažjan

- ovttasbargu mánáin ja fuolaheaddjiiguin
- máná doarjaga ollašuhtima ovddasvástádusat
- sierraášedovdiid, dego sierramánáidgárdeoahpaheaddji bálvalusaid geavaheapmi
- sosiála- ja dearvvašvuodafuolahusa áššedovdiid bagadeapmi ja rávven
- vejolaš fievredemiid lágideapmi ja ovddasvástádusat

Doarjaga čuovvun ja árvvoštallan

- mihtomeriid ollašuvvama čuovvun
- doarjaga váikkuhusaid árvvoštallan ja árvvoštallanáiggit.

5.5 Báikkálaččat mearridanvuloš ášsit

Báikkálaš árrabajásgeassinplána mearrida ja govvida ovdáneami ja oahppama doarjaga lágidanvugiid iešguđet doaibmanvuogis árrabajásgeassima lágideaddji mearrádusa mielde.

Báikkálaš árrabajásgeassinplána govvida

- ovdáneami ja oahppama doarjaga lágideami guovddáš báikkálaš prinsihpaid ja vuogádagaid
- doarjaga ollašuhtima árrabajásgeassimis: pedagogalaš, ráhkaduslaš ja lassin doaimmaid, mat dorjot buresbirgejumi
- máná árrabajásgeassinplána ráhkadusa ja dan ráhkadeami ja árvvoštallama geavadagaid doarjaga áigge
- ovttasbarggu mánáiguin ja fuolaheaddjiiguin doarjaga áigge
- mánngasuorggat ovttasbarggu, ovddasvástádusaid ja iešguđet doaibmi gaskasaš bargojuogu doarjaga lágideamis ja doarjaga váikkuhusaid čuovvumis ja árvvoštallamis
- sirdásanáigdagaid ja dieđu sirdima geavadagaid árrabajásgeassima ja ovdaohpahussii sirdáseami áigge

Báikkálaš árrabajásgeassinplána meroštallá árrabajásgeassima lágideaddji mearrádusa mielde dulkon- ja veahkehanbálvalusaide ja veahkeneavvuide laktáseaddji hálldahušlaš vuogádagaid.

6. MOLSSAEVTTOLAŠ PEDAGOGIHKII DAHJE ERENOMÁŠ EALLINOIDNUI VUOÐÐUDUVVI ÁRRABAJÁSGEASSIN

Buot árrabajásgeassin čuovvu lágas, soahpamušain ja dáin vuoduštusain árrabajásgeassimii ásahuvvon almmolaš mihttomeriid ja doaibmanprinsihpaid. Dát mihttomearit ja doaibmanprinsihpat gusket maiddái molssaevttolaš pedagogikhka dahje erenomáš eallinoidnui vuodđuduvvi árrabajásgeassima.

Árrabajásgeassima lágideaddji sahttá fállat árrabajásgeassinbálvalusa, mii vuodđuduvvá molssaevttolaš pedagogikhkii dahje erenomáš eallinoidnui. Dákkárat leat ovdamearkka dihte Steiner-, Montessori-, Freinet- ja Reggio Emilia -pedagogikhka dahje dihto eallinoidnui vuodđuduvvi árrabajásgeassinbálvalus.

Go fuolaheaddji vállje iežas mánnái molssaevttolaš pedagogikhka dahje erenomáš eallinoidnui vuodđuduvvi árrabajásgeassinbálvalusa, galgá fuolahit das, ahte fuolaheaddji oažžu doarvái dieđu doaimma sierramihttomeriin ja árvvuin.

6.1 Báikkálaččat mearridanvuloš áššit

Molssaevttolaš pedagogikhka dahje erenomáš eallinoidnui vuodđuduvvi báikkálaš árrabajásgeassinplána sahttá leat iešlágálaš, muhto dat ii sáhte leat ruossalassii árrabajásgeassima guoski láhkaásahemiin dahje árrabajásgeassinplána vuoduštusaiguin.

Árrabajásgeassima lágideaddji mearrida ja govve plánas dan lassin, maid vuoduštusáššegirjjis ovdal mearriduvvo,

- mat leat molssaevttolaš pedagogikhka dahje erenomáš eallinoidnui laktáseaddji árrabajásgeassima árvovuođu, pedagogalaš prinsihpaid ja čovdosiid dievasmahti geahččanguovllut
- mo dát geahččanguovllut bohtet ovdan árrabajásgeassima doaibmankultuvrras, bargovugiin ja pedagogalaš doaimmas.

7. DOAIMMA ÁRVVOŠTALLAN JA OVDDIDEAPMI ÁRRABAJÁSGEASSIMIS

Doaimma árvvoštallama ulbmilin lea doarjut árrabajásgeassínlága ja árrabajásgeassínplánaid ollašuhtima ja árrabajásgeassíma ovddideami. Árrabajásgeassínlága mielde árrabajásgeassíma lágideaddji galgá árvvoštallat árrabajásgeassíma, man son lea ieš addán ja oassálastit maiddái dan olggobeale árvvoštallamii.⁸² Árrabajásgeassíma doaimma árvvoštallan galgá leat ieševttolaš, plánejuvvon ja jeavddalaš. Árvvoštallan ovddida árrabajásgeassíma dási ja veahkeha dovdát doaimma gievruvuodaid, buktit ovdan ovddidandárbbuid ja ovddidit doaimma.

7.1 Pedagogalaš doaimma árvvoštallan ja ovddideapmi

Pedagogalaš doaimma árvvoštallama ulbmilin lea árrabajásgeassíma ovddideapmi ja mánáid ovdáneami ja oahppama vejolašvuodaid buorideapmi⁸³. Báikkalaš árrabajásgeassínplána ja mánáid árrabajásgeassínplána ollašuvvama čuovvun, jeavddalaš árvvoštallan ja ovddideapmi gullet dán bargui. Árrabajásgeassindoibma árvvoštallo ja ovddiduvvo našuvnnalaš dási ja lágideaddji-, ovttadat- ja indviidadási geahčanguovlluin.

Našuvnnalaš dási árvvoštallama ulbmilin lea doarjut árrabajásgeassíma lágideaddjiid árvvoštallama ja dásihálldašeami guoski áššin⁸⁴. Našuvnnalaš dási árvvoštallamat bálvalit árrabajásgeassíma ovddideami báikkálačcat, guovlluguovdasačcat ja riikkaviidosačcat. Árvvoštallandieđuid sáhttá atnit ávkin maiddái riikkaidgaskasaš veardádallamis. Maiddái olggobeale ja riikkaidgaskasaš doaibmit sáhttet árvvoštallat doaimma.⁸⁵

Árrabajásgeassíma lágideaddji čuovvu ja árvvoštallá jeavddalačcat árrabajásgeassínplánaid ja daid ollašuvvama iešguđet doaibmanvuogis. Árrabajásgeassíma lágideaddji mearrida lágideaddji- ja ovttadatdási árvvoštallanvugiid. Lea dehálaš ahte báikkálaš mearrádusdahkkiin, fuolaheaddjiin ja árrabajásgeassínbargiin lea áigeguovdilis diehtu árrabajásgeassíma ollašuvvamis ja dan kvalitehtas. Guovddáš árvvoštallanbohtosiid galgá almmustahtit⁸⁶. Lágideaddji- ja ovttadatdási árvvoštallan lea guovddáš oassi árrabajásgeassíma báikkálaš jođiheami ja ovddideami. Mánáide ja sin fuolaheddjiide galgá jeavddalačcat lágidit vejolašvuoda oassálastit árrabajásgeassíma árvvoštallamii⁸⁷.

Bargiid ulbmildiđolaš ja plánejuvvon iešárvvoštallamis lea guovddáš mearkkašupmi árrabajásgeassíma dási doalaheamis ja ovddideamis. Árvvoštallama čuožáhagat sáhttet leat earret eará bargiid vuorrováikkuhus mánáiguin, joavkku atmosfeara, pedagogalaš bargovuogit, doaimma sisdoallu dahje oahppanbirrasat.

Indviidadási árvvoštallan vuodđuduvvá árrabajásgeassínláhkii ja dárkuha mánáid árrabajásgeassínplánaid ollašuvvama árvvoštallama. Máná árrabajásgeassínplána ollašuvvama lea dehálaš árvvoštallat álo ovdal dan gárvema dahje ođasmahtima. Árvvoštallama oktavuođas mánna, fuolaheaddji ja bargit guorahallet oasistis, mo oktasačcat čálihuvvon doaimma mihttomearit ja

82 Árrabajásgeassínláhk 9 b §

83 Árrabajásgeassínláhk 9 b §

84 Árrabajásgeassínláhk 9 b §

85 Ráđdehusa evttohus riikkabeivviide láhkan máná beaivedikšumis addojuvvon lága rievdaemis ja sierranas dasa gullevaš láhkan (341/2014) 9 b §, vuoduštusat s. 21–22

86 Árrabajásgeassínláhk 9 b §

87 Árrabajásgeassínláhk 7 b §

soahpamušat leat válđojuvvon vuhtii ja mo dat leat ollašuvvan árrabajásgeassindoaimmas. Máná árrabajásgeassinplána árvvoštallan lea maiddái oassi máná oahppama ja buresbirgejumi doarjaga. Dát árvvoštallanbargu govviduvvo dárkileappot loguin 1 ja 5.

Báikkálaččat mearridanvuloš áššit, mat leat govviduvvon árrabajásgeassinplána vuoduštusain guđege logu loahpas, stivrejít báikkálaš plána gárvema, árvvoštallama plánema ja ollašuhtima. Árrabajásgeassima lágideaddji dárkkista iežas árrabajásgeassinplána ja buorida dan dási ja anolašvuoda. Dan lassin báikkálaš dárbbut ja ovddidanbarggu bohtosat stivrejít árvvoštallama.

7.2 Báikkálaččat mearridanvuloš áššit

Báikkálaš árrabajásgeassinplána dárkkálnuhttá vuoduštusain govviduvvon árrabajásgeassima doaimma árvvoštallama prinsihpaid ja vuogádagaid. Dan lassin báikkálaš árrabajásgeassinplánat mearridit ja govvidit, mo

- árrabajásgeassima ollašuvvama gohcin, árvvoštallan ja ovddideapmi dáhpáhuvvá árrabajásgeassima iešguđet doaibmanvuogis
- mánáid, fuolaheaddjiid ja eará ovttasbargoguimmiid máhcahaga čoaggin dáhpáhuvvá, ja mo máhcahaga atnit ávkin dási doalaheimis ja buorideamis
- árvvoštallama guovddáš bohtosat almmustahettoj.

ISBN 978-952-13-6439-6 (pdf)
ISSN 1798-8888